



# Мукофоти жаннат

Болажон халқмиз. Онаси ё отасидан, ёки иккисидан ҳам, турли сабабларга кўра аж-ралиб қолган, кўзлари соғинчга тўла, кўнгли меҳрға ташна болажонларни кўрсак, ичичимиздан уларга ачиниб, раҳмимиз қўзийди. Ҳиммат қўлларини чўзгимиз келади. Бундай болажонлар учун қанчадан-қанча тарбия масканлари барпо этилган, барча шароит яратилган. Шундай бўлса-да, мурғак юракларида армон яшайди: улар ҳамиша азиз инсонларининг – ота ва оналарининг, яқинларининг меҳр-муҳаббатларини соғинишади.

Ўзбекистон халқ ёзувчиysi Ўткир Хошимов бундай ёзади: “Ҳаётимда кўп дастхат ёзишга тўғри келган. Китоблар, албомлар, суратлар... Фақат бир гал дастхат ёзиш мушкул иш эканини билганман. Олис вилоятлардан бирига борганимизда етимхонага таклиф қилишди. Дастурхон тўкин эди. Шириналклар... Болаларнинг ўзи пиширган кулчалар... Томоғим хиппа бўғилиб, сув ҳам ўтмай қолди. Кейин концерт қўйиши. Болалар хушчакчақ қўшиқ айтапти-ю, ийғлаётганга ўхшайди. Қизалоқлар шўхшўх рақсга тушяпти-ю, кўзларида мунг бор, ғусса

бор... Бир қизалоқнинг оёғидаги туфличалари икки хил...

Учрашув охирида етимхона журналига дастхат қўйишни илтимос қилишди. Узок ўйлаб қолдим. Сўнг ёздим: “Шударгоҳдаги болаларнинг ота-онаси ўлган бўлса, Ҳудо раҳмат қилсин. Тирик бўлса...”

Машхур ҳанафий аллома Али ибн Мухаммад ибн Али Журжоний (милодий 1339 – 1403, ҳижрий 740 – 816) “Китоб ат-Таърифот” номли асарларида “етим” сўзига бундай таъриф беради: “Етим (вояга етмасдан туриб) отасиз қолган шахсdir. Чунки унинг нафақаси онанинг эмас, балки отанинг зиммасига юкландган”.

Етимни ўз ҳимоясига олган, уни ташки ва ички зарарли таъсирлардан ҳимоя қилган кишининг мукофоти жаннатдир. Абу Умомадан (Аллоҳ ундан рози бўлсан) ривоят қилинади: “Ким Аллоҳ азза ва жалла учун бир етимнинг бошини силаса, унинг қўли нечта сочнинг устидан ўтса, шунча яхшилик ёзилади. Ким ўз ҳузуридаги

етим болага яхшилик қилса, мен ўша одам билан жаннатда мана бундай бўламан”, деб икки бармоқларини яқинлаштирилар” (*Имом Аҳмад*). Абу Ҳурайра (Аллоҳ ундан рози бўлсан) ривоят қилади: “Мусулмонларнинг ўйлари ичida энг яхшиси етимга яхшилик қилинадиган уйдир. Мусулмонларнинг ўйлари ичida энг ёмони етимга ёмонлик қилинадиган уйдир” (*Ибн Можа*). Энди етимнинг бошини силаб, тарбия қилган, уни ўқитган, едириб-ичирган, кийинтирган, бошпана берган, яхши муомала қилган кишига бериладиган ажрларни ўзингиз чамалаб кўринг...

Дарҳақиқат, фарзандларимиз Яратган инъом этган азиз неъмат. Шунингдек, улкан омонат ҳамдир. Уларни бағримизда асраб-авайлаб, соғлом ва баркамол инсон қилиб улғайтирасак, иншааллоҳ, ўзимиз учун ҳам, келажагимиз учун ҳам фойда бўлади.

**Нурали МАВЛОНОВ,**  
Зангиота тумани  
бош имом-хатиби



# Кўз қувончи улут нерьмат

Фурқон сураси 74-ояти мазмуни бундай: «Улар: “Эй Раббимиз, Ўзинг бизга жуфти ҳалолларимиздан ва зурриётларимиздан кўзимиз қувонадиган нарса ҳадя эт ҳамда бизларни тақводорларга йўлбошли қил”, дейдинлардир».

Зурриёт кишининг насли, фарзанди маъносидадир. Фарзанди инсоннинг бир жузидир. Ота-она улғайган фарзандини, неча ёшга кирса ҳам, қанақанги амал курсисида ўтирса ҳам боладай кўради, унга қайғуради ва меҳрибонлик қиласди. Доимо фарзандининг камолини кўриб кўзи қувонишини хоҳлайди.

Инсон яхши сўзни эшитиб қувонади, яхши ҳиддан, ширин овқатдан шодланади. Аммо кўриб қувониш, айниқса, фарзанд муваффақиятини, одобини, соғлигини кўриб қувониш бўлса, уни таърифлаб бўлмайди. Қалбимиз қўри, умримиз маъноси, келажагимиз, ҳаётимиз давомчиси, борлиғимиз Аллоҳ берган фарзандларимиздир...

Ота-онасининг кўз қувончи эканини билган фарзанд, уларнинг кўзларини қувонтиришга ҳаракат қиласди, дуоларини олади!..

Фарзанд билса, ота-онаси ҳам унинг кўз қувончидир. Фарзанднинг кўз қувончи, қалбидағи меҳр булоги ота-онасидир. Ақлли фарзанд ўз камолини ва муваффақиятини аввало ота-онасига кўрсатади, уларни севинтиради... Ҳар бир ота ва она фарзандига мана шу туйғуни сингдирса, ҳар бир қадамида уни қўллаб-қувватлаб турса, фарзанди уларга меҳрсиз бўлмайди.

Аллоҳ таоло барчамизнинг кўзларимиз қувончларини кўпайтирсин.

**Абдуумутал ОТАБОЕВ,**

Зомин тумани

## «HIDOYAT»

Ойлик диний-маърифий,  
илмий-адабий нашр

## Муассис

Ўзбекистон мусулмонлари идораси

## Бош муҳаррир

Нуруллоҳ МУҲАММАД РАУФХОН

## Таҳрир ҳайъати

Усмонхон АЛИМОВ  
Абдулазиз МАНСУР  
Абдураззоқ ЮНУС  
Ориқбек ЮСУПОВ  
Анвар ТУРСУН  
Аҳад ҲАСАНОВ  
Зоҳиджон ИСЛОМОВ  
Абдулҳамид ТУРСУН  
Ҳайдархон Йўлдошхўжаев  
Баҳодир КАРИМОВ  
Эркин МАЛИК  
Муҳаммад Шариф ЖУМАН  
Исомиддин ОЛИМОВ  
Абдул Жалил ХЎЖАМ  
(Бош муҳаррир ўринбосари)  
Муҳтарама УЛУГОВА

## Хаттот

Ислом Муҳаммад

## Саҳифаловчи

Баҳром ИКРОМОВ

## Матнни

Раҳима КАРИМЖОН қизи терди.

## Манзилимиз

100002, Тошкент шаҳри  
Зарқайнар 18-берк кўча 47-йй;  
Тел: 240-08-23, 227-34-30.  
Интернет сайтимиз: [www.hidoyat.uz](http://www.hidoyat.uz)  
Интернет почтамиз: [m-nashr@yandex.ru](mailto:m-nashr@yandex.ru)  
Ўзбекистон Республикаси Матбуот ва  
ахборот агентлигига рўйхатга олинган.  
Гувоҳнома рақами 0177.

Босиша 2013 йил 28 февралда руҳсат берилди.  
Босмахона 2013 йил 1 марта топширилди.  
Коғоз бичими 60x841/8. Адади 65.000 нусха.  
2836-сон буюртма. «Шарқ» нашриёт-матбаа  
аксиядорлик компаниясида босилди.  
Тошкент шаҳри, Буюк Турон кўчаси, 41.

## Кўлғезмалар қайтарилмайди.

Муаллифлар фикри таҳририят нуқтаи на-  
заридан фарқ қилиши мумкин. Келтирил-  
ган иқтибос ва ракамлар учун муаллиф масъ-  
ул. Ҳат юборилганида исмлар тўлиқ, ман-  
зил аниқ ёэлсин. Мақолалар кўчирашиб бо-  
силса ёки иқтибос олинса, «Ҳидоят»дан  
олингани кўрсатилиши шарт.

Журналисим саҳифаларида оят ва  
ҳадислар бериладигани учун  
уни ножоиз жойларга ташла-  
маслигингизни сўраймиз.

## ТАФСИР

# ОДАМЛАРНИ ЯРАШТИРИШНИНГ САВОБИ

4

Расулуллоҳ (у зотга Аллоҳининг  
салоти ва саломи  
бўлсин): “Яхшилик кўрсатишга  
лойиқ ва нолойиқ кишига ҳам яхшилик кўрсат.

Агар яхшилик кўрсатишга лойиқ инсонни топсанг, у сенинг яхшилик кўрсатишингга ҳақлидир. Агар сен яхшилик қилмоқчи бўлган инсон яхшилик кўрсатишингга нолойиқ бўлса ҳам, сен яхшилик қил, чунки сен яхшилик қилиб, савоб олишга муҳтожсан”, дедилар.

## САҲОБАЛАР ҲАЁТИ

# ҲАЗРАТ АЛИ ИБН АБУ ТОЛИБ

8

Муфассирлар ёзишича, ҳазрат Али (Аллоҳ  
уздид ризи  
бўлсин): “Вафотим етгунига қадар мендан сўраб қолинглар. Инсонни яратиб, ердан уруғ ундирган Зотга қасам, агар менга Қуръоннинг ҳар бир оятидан савол берсанглар, унинг қачон ва нима сабабдан туширилганини, носих ёки мансух эканини, бир маънони ё кўп маънони англатишини, шунингдек, унинг барчага Маккада ёки Мадинада нозил бўлганини айтиб бероламан», дейди.

## МАСАЛА

# СЎРАГАН ЭДИНГИЗ...

14

Фаришталар гарчи одамларга сеҳрни ўргатиш учун тушган бўлсалар ҳам, олдиндан: «Биз фақатгина синов (воситасимиз, бизга ишониб) кофир бўлиб қолма», яъни, «Эҳтиёт бўл!

## ХАБАРЛАР

# САНЪАТ КЎРГАЗМАСИ

20

Эрон Ислом Республикасининг Тошкентдаги элчинонасида миллий маданият ва санъат кўргазмаси ўтказилди. Кўргазмада Эрон амалий санъати услубидаги расмилар, ҳунармандларнинг қўй ишлари ва бошқа антиқа буюмлардан намуналар намойиш этилди.

## МУНДАРИЖА

|   |    |
|---|----|
| <i>Яхшиликка чақириш</i>                  | 1  |
| Нурали МАВЛОНОВ                           |    |
| <i>Мукофоти жаннат</i>                    |    |
| <i>Таянч нуқта</i>                        |    |
| Абдумутал ОТАБОЕВ                         |    |
| <i>Кўз қувончи – улуғ неъмат</i>          | 2  |
| <i>Идора ҳаёти</i>                        |    |
| Вазифалар белгиланди                      | 5  |
| <i>Навоийхонлик</i>                       |    |
| Нурбой АБДУЛҲАКИМ                         |    |
| <i>“Ҳар нафасинг ҳолидин огоҳ бўл...”</i> | 6  |
| Эҳтиром                                   | 7  |
| <i>Ёмонликдан қайтариш</i>                |    |
| Соҳибжон АҲМЕДОВ                          |    |
| <i>Оқибати хатарли қилмиш</i>             | 10 |
| <i>Идора ҳаёти</i>                        |    |
| Имом-хатиблар йиғилиши                    | 11 |
| <i>Тақдимот</i>                           |    |
| <i>Муҳим манба бўлади</i>                 | 11 |
| <i>Балодан асрасин</i>                    |    |
| Бепарволик оғат келтирас                  | 12 |
| <i>Илм масканларида</i>                   |    |
| Қуръоншунослар мусобақаси                 | 13 |
| <i>Мазҳабимизни ўрганамиз</i>             |    |
| Имоми Аъзамнинг сукутлари                 |    |
| ва саҳийликлари                           | 16 |
| <i>Тафаккур</i>                           |    |
| Иродад ТУРАХОНОВА                         |    |
| <i>Хайрлиси бўлсин!</i>                   | 17 |
| <i>Яхшиликка чақириш</i>                  |    |
| Қувондиқ БОЙМУРОДОВ                       |    |
| Тил яхшилини сўзласин                     | 18 |
| <i>Ибрат</i>                              |    |
| Улуғларнинг дуоларидан                    | 19 |
| <i>Аёллар саҳифаси</i>                    |    |
| Аёлингиздан ранжиманг                     | 22 |
| <i>Долзарб мавзу</i>                      |    |
| Аҳмаджон БОБОМУРОД                        |    |
| Қарзини узмаган зарар                     |    |
| кўради                                    | 23 |
| <i>Шеърият</i>                            |    |
| Тўғрилик ва ҳаё бўлсин шиоринг            | 24 |
| Отабек БОҚОНИЙ                            |    |
| Онажонлар                                 | 24 |
| Ойгул СҮЮНДИҚОВА                          |    |
| Онамни эслаб                              | 24 |
| Султон ЭРГАШ                              |    |
| <i>Тўртликлар</i>                         |    |
| Салим РИХСИЕВ                             |    |
| Тилагим                                   | 25 |
| <i>Саодат асрига саёҳат</i>               |    |
| Нубувват дараҳтининг                      |    |
| меваси                                    | 26 |
| <i>Мовароуннаҳр уламолари</i>             |    |
| Шайх Абдулазиз МАНСУР                     |    |
| Марв фақиҳлари                            | 27 |
| <i>Маърифий сұхбатлар</i>                 |    |
| ШУКРУЛЛО                                  |    |
| Халқ дардини жойладим дилга...            | 28 |
| <i>Идорамизнинг 70 йилиги</i>             |    |
| Таъмирига қўлимиз теккан                  | 30 |
| <i>Мусулмон одоби</i>                     |    |
| Муҳаммадий ҚОРАЕВ                         |    |
| Қабр зиёрати                              | 31 |
| <i>Буюклар сабоги</i>                     |    |
| Аллоҳининг дориси                         | 32 |
| <i>Дарс</i>                               |    |
| Ҳадиси құдсий                             | 32 |



# Одамларни яраттиришнинг савоби

“Уларнинг кўп шивирлашиб гаплашишларида яхшилик йўқ. Фақат садақа беришга, эзгуликка ёки одамлар ўртасини ислоҳ қилишга буюрган бўлсалар, бу яхшидир. Кимда-ким Аллоҳ розилиги учун шу ишларни қилса, унга улкан мукофот беражакмиз” (*Huso, 114*).

**“Уларнинг кўп шивирлашиб гаплашишларида яхшилик йўқдир...”**

Мотуридий мазкур маъноли оят тафсирида бундай дейдилар: «Ояти каримадаги “نجої” “нажва” сўзининг икки маъноси бор. Биринчиси “қавм”, “одамлар”, иккинчиси “яшириш”, “сирли гаплашишдир”. Агар “нажва” сўзининг “шивирлашиб гаплашиш” маъносини олсак, оятнинг маъноси бундай бўлади: “Уларнинг кўп шивирлашиларида яхшилик йўқ, шивирлашиш фақат садақага буюриш, одамлар орасини ислоҳ қилиш хақида бўлсагина яхшидир”».

Агар “нажва” сўзининг “қавм” маъносини олсак, унда оятнинг маъноси: “Уларнинг кўп қавмларида яхшилик йўқ. Фақат садақа, эзгулик ва одамлар орасини ислоҳ қилишга буюрадиган қавмда яхшилик ва хайр бор”.

“Муножот” сўзи ҳам “нажва” сўзининг ўзагидан келиб чиқсан, Унинг маъноси “Аллоҳга қалбан, яширин нола қилиш”dir.

Ибн Умардан (Аллоҳ ундан рози будаси) ривоят қилишларича, Расулуллоҳ (у зотга Аллоҳнинг салоти ва саломи будаси) айтадилар: “Агар уч киши йифилишса, улардан иккиси ўзаро шивирлаб гаплашмасин, бу учинчи инсонни хафа қиласди”. Инсонни хафа қилиш, унга зарар етказиш ҳисобланади. Ўзгага зарар етказиш динимиизда ҳаромдир.

Одатда инсонлар яхши амалларни ҳаммага маълум қилгилари келади, гуноҳ ишлар эса бекитиқча маслаҳат қилинади, фитналар ҳам маҳфий равищда уюштирилади.

**“...Фақат садақа беришга, эзгуликка...”** Абу У момадан (Аллоҳ ундан рози будаси) ривоят қилинади. Расулуллоҳ (у зотга Аллоҳнинг салоти ва саломи будаси) дедилар: “Ҳар бир яхшилик садақадир, жаннатга энг аввал кирадиган кишилар ахлимаъруф, яхшилик қилувчи, ҳалокатга боис гуноҳлардан тийилган кишилардир”.

Расулуллоҳ (у зотга Аллоҳнинг салоти ва саломи будаси): “Яхшилик кўрсатишга лойиқ ва нолойиқ кишига ҳам яхшилик кўрсат. Агар яхшилик кўрсатишга лойиқ инсонни топсанг, у сенинг яхшилик кўрсатишингга ҳақлидир. Агар сен яхшилик қилмоқчи бўлган инсон яхшилик кўрсатишингга нолойиқ бўлса ҳам, сен яхшилик қил, чунки сен яхшилик қилиб, савоб олишга муҳтожсан”, дедилар.

Яхшилик қилишдан мақсади Аллоҳнинг розилиги бўлган инсон ҳаммага, яхшига ҳам, ёмонга ҳам яхшилик қилаверади.

Мовардий айтади: “Кимнинг қўлидан яхшилик келса, фурсат борида яхшилик қилсин. Ожиз бўлиб қолишидан олдин уни тезлатсан. Яхшилик

қилиш имкони ҳамиша бўлавермайди. Ҳали имкон бор деб чалғиб юрмасин. Қанчадан-қанча ўзига ишонгандар, имкони қўлдан кетгач, надоматга қолган”.

Расууллоҳ (✉ зотга Аллоҳнинг салоти ва саломни бўлсин) айтадилар: “Кимга яхшилик қилиш эшиги очилса, унга кирсинг, чунки бу эшик қачон ёпилишини билмайди”.

Абу Ҳурайра (✉ зотга Аллоҳнинг салоти ва саломни бўлсин) ривоят қилади: “Сизлар мол-дунёйнгиз билан одамларни хурсанд этолмайсиз, балки сизнинг очик юзингиз ва чиройли хулқингиз уларни хушнуд этади”.

Аббос (✉ зотга Аллоҳнинг салоти ва саломни бўлсин) айтади: “Яхшилик уч нарса билан комил бўлади: Уни тезроқ бажариш, кичик бўлса-да, давомли қилиш, уни яширин бажариш. Яхшиликни тезроқ қилсанг, ютуққа эришибсан, оз ва давомли қилсанг, уни катталаштирибсан, яширин адо этсанг, мукаммал бажарибсан”.

**“...ёки одамлар ўртасини ислоҳ қилишга буорган бўлсалар, бу яхшидир”.**

Набий (✉ зотга Аллоҳнинг салоти ва саломни бўлсин) Абу Айубга (✉ зотга Аллоҳнинг салоти ва саломни бўлсин) айтадилар: “Сенга Аллоҳ ва Унинг расули яхши кўрадиган ишни ўргатайми? Агар инсонларнинг ораси бузилса, ислоҳ этасан, агар бир-биридан узоқлашиб кетса, уларни яқин қил!”.

Авзой (✉ зотга Аллоҳнинг салоти ва саломни бўлсин): “Аллоҳ таолога икки кишининг ўртасини ислоҳ қилиш учун ташланган қадамдан кўра севимли қадам йўқ. Ким икки кишини яраштириб қўйса, Аллоҳ таоло уни дўй заҳдан озод қиласди”, деган.

Ибн Умардан (✉ зотга Аллоҳнинг салоти ва саломни бўлсин) ривоят қилинади. Расууллоҳ (✉ зотга Аллоҳнинг салоти ва саломни бўлсин) айтадилар: “Садақанинг яхшиси одамлар орасини ислоҳ қилишдир”.

**“...Кимда-ким Аллоҳ ризоси учун шу ишларни қилса, унга улкан мукофот беражакмиз”.** Бу Аллоҳ таолонинг ваъдасидир. Аллоҳ таоло ваъдасига асло хилоф қilmайди.

Абу Мансур Мотуридий, Ибн Касир, Қуртубий, Жасос, Ваҳба Зухайлийларнинг тафсирлари асосида

**Бадриддин  
САДРИДДИН ўғли  
тайёрлади.**

## Вазифалар белгиланди

Шу йил 5 феврал куни бўлган Қорақалпоғистон Республикаси имом-хатибларининг йиғилишида 2012 йилги фаолият якунлари, эришилган ютуқлар ва йўл қўйилган камчиликлар, ҳамда 2013 йили имомлар олдида турган долзарб вазифалар муҳокама этилди.


Қорақалпоғистон мусулмонлари қозиёти қозиси Шамсиддин Баҳаётдинов 2012 йили амалга оширган ишлар бўйича ҳисобот берди. Ҳисоботда масжидлар ҳомийларни жалб этган ҳолда ўтган “Мустаҳкам оила йили”да муҳтоjlарга 6 миллион сўмдан ортиқ хайрия ёрдами кўрсатилгани, 15 та масжидда тўла таъмирлаш ишлари олиб борилгани, имом-хатиблар беш юздан зиёд маънавий-маърифий ва саломатлик, мингдан ортиқ миссионерлик ва ақидапарастликка қарши тадбирларда маърузалар билан иштирок этганини қайд қилиб ўтди.

Йиғилишда диний идора раиси ўринбосари Абдураззоқ Юнус, Масжидлар бўлими мудири Муҳаммадназар Қаюмов, Дин ишлари бўйича қўмита ходими Исломиддин Зухриддинов ўтган йил эришилган ютуқлар билан бирга баъзи камчиликларни эътироф этиб, “Обод турмуш йили”да имом-хатиблар олдида турган долзарб вазифалар, жумладан, тинчликни кўз-корачиғидай асраш ёшларда ватанпарварлик ҳиссини ўйғотиш ҳартомонлама интелектуал салоҳиятга эга бўлиш ва оммавий ахборот воситаларида фаол иштирок этиш зарурлигини таъкидлашди.

Мажлис якунида йилнинг энг фаол имом-хатиби Нукус шаҳар “Имом эшон Муҳаммад” жоме масжиди имом-хатиби Баҳрамаддин Разовга, энг фаол тарғиботчи Мўйноқ тумани бош имом-хатиби Аминжон Набатовга ва энг обод масжид Беруний тумани “Шайх Аббос Валий” жоме масжиди имом-хатиби га қозиётнинг мақтов ёрлиқлари, совғалари топширилди.

Ўзбекистон мусулмонлари идораси  
Масжидлар бўлими

# “Ҳар нафасинг ҳолидин огоҳ бўл...”



Вақт шиддатли кечади. Ўтаётган ҳар лаҳза эса умрнинг муайян бўлгидир. Шу боис тафаккур юритувчи одам умрнинг ҳар ониниғанимат билади, уни яралмишларнинг афзали деган номга муносиб ўтказишга интилади. Йўқотилган мол-дунёнинг ўрни қопланиши мумкин. Бироқ бой берилган вақтни зинҳор ортга қайтариб бўлмайди. Миллий маънавиятимиз қуёши – ҳазрат Алишер Навоийнинг бу борадаги ҳикматлари, айниқса, қимматлидир.

“Ҳайратул аброр” достонининг ўн саккизинчи мақолатида “ҳар нафаским, ҳаёт гулшанидин насим дурур, қадрин билмак” зарурлиги бетакрор поэтик ифодасини топган. Мана, улуғ бобокалонимиз қандай насиҳат қилганлар:

*Ҳар нафасинг жавҳаре эрур нафис  
Ким, санга ул бир нафас эрур анис.*

Жавҳар – бу ўринда “бебаҳо” маъносида. Шунинг ўзиёқ нафаснинг жавҳарга ташбех этилишида қанчалик фасоҳат ва балоғат борлигидан далолат беради. Анис – “дўст” дегани. Демак, нафас – инсоннинг яқин дўсти. Уни қадрламоқ эса бурчdir. Улуғ бобокалонимиз айтганидек, ҳар бир нафасда икки неъмат бор:

*Кирмаги бир неъмат эрур муғтанам,  
Үйлаки кирмаклиги чиқмоғи ҳам.  
Бири эрур қути ҳаётинг сенинг,  
Яна бири қуввати зотинг сенинг.*

Миллати, ирқи, жамиятда эгаллаган мавқеидан қатъи назар, Одам болаларининг ҳоли олинаётган биргина нафас билан боғлиқ. Жисмонан қанчалик чиниққан-чиниқмаган, йиққан мол-дунёси нечоғли кўп ё камлигига қарамай, одамзоднинг борлигини ана шу биргина нафас белгилайди. Шу боис нафаснинг вужудга кириши – ғанимат билиш зарур бўлган улуғ неъмат эса, худди шу нафаснинг қайтиб чиқмоғи ҳам аҳамияти жиҳатидан ундан кам эмас. Улуғ Навоий таъбири билан айтилса, бири – қути ҳаёт, яна бири эса – қуввати зот.

*Бу ики неъматки намудордур,  
Ҳар бирига шукр ери бордур.  
Демак, ҳар бир нафасимизда икки неъ-*

мат бор: ўша нафаснинг олиниши ва қайтиб чиқиши.

Маълумки, шукр шу лафзни такрорлашдангина иборат эмас. Неъматнинг аҳамиятини англаш – шукр. Уни қадрлаш – шукр. Ҳақини адо қилиш – шукр. Нафаснинг шукри униғанимат билиш, беҳуда ўтказмаслик билан адо этилади. Бунинг муҳим шарти эса ҳар бир нафасдан огоҳликдир. Ҳазрат Навоийнинг мана бу ўтилари шу ҳақда:

*Жон била сен то нафас имкони бор,  
Қадрини билгилки, нафасча не бор.*

*Ҳар нафасинг ҳолидин огоҳ бўл,  
Балки анга ҳуш ила ҳамроҳ бўл.*

Масаланинг бир жиҳатига алоҳида эътибор қаратиш зарур. Ҳазрат Навоий бу фикрларни назарий қарашлар сифатида баён қилибгина қолмай, ҳаётда ҳам шунга амал қилганлар.

Олимлар “инсон” ва “нисийон” (“унутувчи”) сўзларининг ўзаро алоқадор эканини айтадилар. Дарҳақиқат, Одам болаларининг табиати унугашга мойил. Инсон ботиндан кўра зоҳирга қўпроқ эътибор беради. Ўз моҳияти ҳақида тафаккур қилиш борасида ундан кўра ялқовроғи йўқ. Нима учун яратилгани, зиммасида қандай масъулияти борлиги хусусида кўп ҳам ўйлайвермайди. Хўш, у ҳар нафаси ҳолидан ғафлатда қолса нима бўлади? Ҳазрат Навоий ижодининг хос хусусиятларидан бири шундаки, у зотнинг асарларида мавзу муфассал тадқиқ қилинади, нуктадонлик билан таҳқиқ этилади. Бунда теран мазмун ва гўзал бадиият ҳайратланарли дараҷада уйғунлашади:

*Ғафлат агар бўлса бу ишдин даме  
Ким, йўқ анингдек кишига мотаме.*

Дунёда нима ёмон – ғофиллик ёмон. Бундан ҳам ёмони, инсоннинг огоҳликдан кўра ғафлатга мойилроқ эканидир. Ўзининг ғафлатда қолганини англаш ҳам саодатdir. Ғофил бўлса-ю, ғафлатда эканини ҳам ҳис этмаса, кишига ундан оғир мотам йўқ, деган хуносага келади улуғ бобомиз.

*Ўзни қилиб ғофилу ошуфтаҳол,  
Ҳар негаким, айлагайсен иштиғол,*

*Гарчи анга манфаати бўлмасун,  
Жаҳд этким, маъсияти бўлмасун.*

Ғофил тирикчилик илинжида ўзини ҳар томонга урар экан, охирини ўйламайди. Фикр юритиш унга бегона. Табиий, ғафлат комидаги кимса гуноҳ-савобни фарқламайди. Шу боис у Яратган олдидаги масъулиятини унугтани каби, яралмишлар ҳақига ҳам бемалол хиёнат қиласвериши мумкин. Ҳазрат Навоий ғафлат аҳли ҳар негаки иштиғол айлар экан, жамиятга, халққа манфаат етказмагани майли, лекин “жаҳд этиб” маъсиятдан узоқ бўлсин, дейди.

*Яхшилик ар айламасанг иш чоғи,  
Айламагил бори ёмонлик доғи.*

Аввало, элга яхшилик қил. Агар бу қўлингдан келмаса, ёмонлик қилишдан сақлан, бу ҳам бир яхшиликдир. Мана, донишманд бобокалонимиз ўғити. Бу насиҳатларга амал қилиш инсонни қусурлардан поклайди. Унинг иллатлардан парҳез қилишига, эзгуликни ҳаётий аъмол билиб яшашига сабаб бўлади. Ҳар бир нафас ҳолидан огоҳ бўлиш малакасини тарбиялайди.

Ҳазрат Навоий таъбирича, вақтни чин маънода қадрлаши учун инсон ўтмишу келажак ҳақидаги хомхаёллардан узоқ бўлиши керак. Бехуда орзухавасларга берилавермаслиги лозим. “Ўтган рўзгор адамдур. Келмагандин сўз айтқон аҳли надамдур ва ҳол муфтанамдур”, дейишилари сабаби шунда. Яъни, ўтган воқелик энди йўқ. Ундан фақат ибрат олиш мумкин, холос. Ҳали келиб улгурмаган ҳодиса ҳақида сўзлаш эса кишининг надо матда қолишига сабаб бўлади. Айни яшаётган он эса ғаниматдир:

*Мозию мустақбал аҳволин  
такаллум айла кам,  
Не учунким, дам бу дамдур, дам  
бу дамдур, дам бу дам.*

Ўзи яшаётган ҳар бир лаҳзани қадрлаш, уни маънавий камолотга эришмоқ учун берилган имкон деб билиш одамзод умрига зийнат бағишлияди. Уни комилликка чорлайди. Ана шундай кишилари кўп бўлган жамият, шубҳасиз, равнақ топади. Зоро, ҳазрат Навоий асарлари инсонни комил, жамиятни мукаммал кўриш орзуси бетакрор бадиий талқин этилгани билан ҳам барча замонлар учун бирдай аҳамиятлидир.

**Нурбой АБДУЛҲАКИМ,**  
профессор

## Эҳтиром

Шу йил 7 феврал куни Тошкент Ислом институтида шеърият мулкининг сultonи, давлат арбоби Алишер Навоий туғилганининг 572 йиллигига бағишилаб «Алишер Навоий – ўзбек адабиёти ва маданиятининг буюк сиймоси» мавзууда учрашув бўлиб ўтди. Унга Тошкент шаҳар бош имом-хатиби Анвар Турсунов ва Тошкент маданият коллежи катта ўқитувчиси Абдуқаҳор Жалилов таклиф этилди. Сўзга чиққанлар Алишер Навоийнинг ҳаёти ва ижоди, илмий-адабий мероси ҳақида гапиришди. Фазалларидан намуналар келтириб, шарҳлашди.

“Тиллар” кафедраси

\* \* \*

14 феврал куни институтда ўқитувчилар ва талабалар иштирокида Захириддин Муҳаммад Бобур туғилганининг 530 йиллигига бағишиланган маърифий кечака ўtkазилди. Кечага таклиф этилган меҳмонлар Ўзбекистон халқ артисти Ёдгор Саъдиев, Тошкент Ислом университети кафедра мудири Сайдмуҳтор Оқилов, “Мовароуннаҳр” нашриёти бош директори Нуруллоҳ Муҳаммад Рауфхон Бобурнинг ҳаёти ва ижоди ҳақида сўзлашаркан, у зотнинг давлат ва маданият арбоби, моҳир саркарда, донишманд тарихчи, зековатли олим, халқпарвар, маърифатпарвар ва таржимон эканини ҳам таъкидлашди.

Очиқ мулоқот шаклида ўтган сұхбат турли савол-жавобларга бой бўлди. Шоир ҳаёти ва ижоди ҳақида деворий газеталар танлови ҳам бўлиб ўтди. Танловда иккинчи курс талаба қизлари ғолиб бўлишди.

**Абдуносир  
АБДУМАЛИК ўғли**

Тўлиқ исми: Али ибн Абу Толиб ибн Абдулмутталиб ибн Ҳошим ибн Абдуманноф Қурайший Ҳошимий. Куняси: Абул Ҳасан. Пайғамбаримизга (у зотга Аллоҳининг салоти ва саломи бўлсин) жиян, амакиларининг ўғли бўлади. Расулуллоҳ (у зотга Аллоҳининг салоти ва саломи бўлсин) уни “Абу Туроб” деб атаганлар. Нубувват келишидан ўн йил олдин Макка шаҳрида туғилди. Пайғамбаримизнинг (у зотга Аллоҳининг салоти ва саломи бўлсин) тарбияларини олиб вояга етди.



Қурайш киборлари Расулуллоҳни (у зотга Аллоҳининг салоти ва саломи бўлсин) ўлдириш ниятида ўн икки қабиладан йигит тўплашади. Ўша кечада Жаброил (у зотга Аллоҳининг салоти ва саломи бўлсин) Расулуллоҳни (у зотга Аллоҳининг салоти ва саломи бўлсин) уларнинг мақсадидан огоҳ этади. Сўнг Набий (у зотга Аллоҳининг салоти ва саломи бўлсин) ҳазрат Алидан (Аллоҳ ундан рози) яшил кийимларини кийиб, ўринларига ётишини сўрайдилар. Ҳазрат Али (Аллоҳ ундан рози) рози бўлади. Қурайшиликлар мақсадларини амалга оширолмай қолишади. Кейинчалик бу кечада “Тунаш кечаси” номини олади. Муфассирлар айтишича, “**Одамлар орасида Аллоҳнинг розилигини истаб, жонини берадигани ҳам бор**” (Бақара, 207) ояти ҳазрат Али (Аллоҳ ундан рози) ҳақларида нозил бўлган.

\* \* \*

**Фазилатлари:** Ибн Касир “Бидоя ва ниҳоя” асарида ҳазрат Али (Аллоҳ ундан рози) ҳақида бундай ёзади: “Жаннат башоратини олган

ўн кишининг Расулуллоҳга (у зотга Аллоҳининг салоти ва саломи бўлсин) насабда энгяқинидир”. Ҳазрат Али (Аллоҳ ундан рози) Исломни биринчилардан бўлиб қабул қилди. Табукдан бошқа барча ғазотларда иштирок этди. У Бадр ва Ризвон воқеалари иштирокчиси, хулафои рошидиннинг тўртинчиси ва олам аёллари саййидаси Фотима бинти Муҳаммаднинг (у зотга Аллоҳининг салоти ва саломи бўлсин) умр йўлдоши, Ҳасан, Ҳусайн, Зайнаб, Умму Кулсумнинг (Аллоҳ ундан рози) отаси.

Саҳл (Аллоҳ ундан рози) ривоят қиласи: «Али ўзини “Абу Туроб” деб аташларини яхши кўрар ва шуном билан чақирилса, хурсанд бўларди. Бир куни Расулуллоҳ (у зотга Аллоҳининг салоти ва саломи бўлсин) қизлари Фотиманинг (Аллоҳ ундан рози) уйидан, ҳазрат Алини (Аллоҳ ундан рози) топмагач, қизларидан: “Амакингнинг ўғли қаерда?” деб сўрадилар. Ҳазрат Фотима (Аллоҳ ундан рози): “Орамиздан гап ўтди. Газаблари келиб, мен билан гаплашмай қўйдилар”, деб жавоб қилди. Шунда Пайғамбаримиз (у зотга Аллоҳининг салоти ва саломи бўлсин) бир

кишига уни қаерда эканини билиб келишни буюрдилар. Ҳалиги одам келиб, ҳазрат Алининг (Аллоҳ ундан рози) масжидда ухлаб ётганини айтди. Расулуллоҳ (у зотга Аллоҳининг салоти ва саломи бўлсин) ёнига келганларидан ҳазрат Алининг (Аллоҳ ундан рози) елкасидан ридоси ерга тушиб, тупроқ текканини кўрдилар. Пайғамбаримиз (у зотга Аллоҳининг салоти ва саломи бўлсин) ридонинг чангини қокиб: “Туринг, эй Абу Туроб, туринг, эй Абу Туроб”, дедилар».

Расулуллоҳ (у зотга Аллоҳининг салоти ва саломи бўлсин) ҳазрат Али (Аллоҳ ундан рози) ҳаққига: “Аллоҳ кимнинг дўсти бўлса, Али унинг дўстидир. Ё Аллоҳ, уни дўст тутгани Сен ҳам дўст тут, унга душманлик қилганга Сен ҳам душман бўл” (*Имом Аҳмад*), деб дуо қилганлар. Ҳазрат Алининг (Аллоҳ ундан рози) ўзидан эса бундай ривоят келтирилади: «Расулуллоҳ (у зотга Аллоҳининг салоти ва саломи бўлсин) қасам ичиб айтганлар: “Мени фақат мўмин яхши кўради, мени фақат мунофиқ ёмон кўради”» (*Имом Муслим*).

Саъд ибн Абу Ваққос (Аллоҳ ундан рози) бундай ҳикоя қиласи:

«Расулуллоҳ (у зотга Аллоҳининг салоти ва саломи бўлсин) Алига (Аллоҳ ундан рози бўлсин) айтган уч нарсани эслайман. Қани эди улардан биттаси менга берилганида! Пайғамбаримиз (у зотга Аллоҳининг салоти ва саломи бўлсин) Табук ғазотида Алини (Аллоҳ ундан рози бўлсин) Мадинада ўринларига қўйиб кетмоқчи бўлдилар. Шунда Али (Аллоҳ ундан рози бўлсин): “Ё Расулуллоҳ (у зотга Аллоҳининг салоти ва саломи бўлсин), мени аёл ва болалар билан қолдириб кетяпсизми?” деб сўради. Расулуллоҳ (у зотга Аллоҳининг салоти ва саломи бўлсин): “Хорун Мусога ўринбосар бўлгани каби менга ўринбосар бўлишга рози эмасмисан? Фақат мендан сўнг пайғамбар келмайди”, деб жавоб бердилар. Яна Ҳайбар қунида Пайғамбаримиз (у зотга Аллоҳининг салоти ва саломи бўлсин): “Бу байроқни Аллоҳ ва Расулини яхши кўрадиган, Аллоҳ ва Расули ҳам уни яхши кўрадиган кишига, бераман”, деганларини эшитдим. Ҳаммамиз байроқни олиш нијатида эдик. Бироқ Расулуллоҳ (у зотга Аллоҳининг салоти ва саломи бўлсин): “Алини чақиринглар”, деб буюрдилар. Ўша пайтлари Алиниңг (Аллоҳ ундан рози бўлсин) кўзи оғриган эди. Расулуллоҳ (у зотга Аллоҳининг салоти ва саломи бўлсин) унинг кўзига туфлаб қўйдилар, сўнг байроқни топширдилар. Аллоҳ таоло Алига (Аллоҳ ундан рози бўлсин) нусрат берди. “Келинглар, ўғилларимиз билан ўғилларингизни, хотинларимиз билан хотинларингизни, ўзимиз би-

лан ўзларингизни чорлаб, сўнгра (биргаликда) илтижо қиласиз” (Оли Имрон, 61), ояти нозил бўлганида Расулуллоҳ (у зотга Аллоҳининг салоти ва саломи бўлсин) Али, Фотима, Ҳасан ва Ҳусайнларни (Аллоҳ ундан рози бўлсин) дуо қилиб: “Аллоҳ, булар менинг аҳлим”, дедилар».

\* \* \*

**Ҳадис ривоят қилиши:** Ҳазрат Али ибн Абу Толиб (Аллоҳ ундан рози бўлсин) ҳаммаси бўлиб 586 та ҳадис ривоят қилган. У кишидан: Ҳасан, Ҳусайн, Мұхаммад, Умар ҳамда Абдуллоҳ ибн Масъуд, Ибн Умар, Абдуллоҳ ибн Жаъфар, Абдуллоҳ ибн Зубайр, Абу

---

### ҲАЗРАТ АЛИ (РОЗИЯЛЛОҲУ АНҲУ) МИСЛСИЗ ҚАҲРАМОНЛИКЛАР КЎРСАТИБ, “АСАДУЛЛОҲ”, ЯЊИ “АЛЛОҲНИНГ ШЕРИ” НОМИНИ ОЛГАН.

---

Мусо Ашъарий, Абу Сайд Худрий, Абу Рофиъ, Сұҳайб, Зайд ибн Арқам, Жобир ибн Абдуллоҳ, Абу Ҳурайра, Жобир ибн Самура, Барро Ибн Озиб, Жарир Ибн Абдуллоҳ ва бошқа сахобалар, Сайд ибн Мусайиб, Қайс ибн Хозим, Алқама ибн Қайс, Абу Асвад Жаулий, Ахнаф

ибн Қайс, Шурайх ибн Ҳоний каби тобеинлар ҳадис ривоят қилгани келтирилади.

Муфассирлар ёзишича, ҳазрат Али (Аллоҳ ундан рози бўлсин): “Вафотим етгунига қадар мендан сўраб қолинглар. Инсонни яратиб, ердан уруғ ундирган Зотга қасам, agar менга Қуръоннинг ҳар бир оятидан савол берсанглар, унинг қачон ва нима сабабдан туширилганини, носих ёки мансух эканини, бир маънони ё кўп маънони англатишини, шунингдек, унинг барчага ёки хос одамларга доир эканини, Маккада ёки Мадинада нозил бўлганини айтиб бероламан», дейди.

\* \* \*

Расулуллоҳ (у зотга Аллоҳининг салоти ва саломи бўлсин): “Ҳасан ва Ҳусайн жаннат аҳли йигитларининг саййидлариридир. Оталари эса у иккисидан ҳам яхшироқдир” (Ибн Можа), деб марҳамат қилганлар.

Халифалик даври уч ярим ойи кам беш йил давом этди. Ҳазрат Али (Аллоҳ ундан рози бўлсин) ҳижратнинг қирқинчи йили, рамазон ойининг ўн еттинчи кечаси бузғунчилар фитнаси сабаб ҳалок бўлади.

**Юлдуз КОМИЛОВА**  
тайёрлади.



# Оқибати хатарли қилмиш

Аллоҳ таоло инсонларни миллат ва элатлар қилди ва уларга турли-туман неъматлар ато этди. У неъматларни тежашни, асло исроф қиласликни буюрди. Исроф неъматни керагидан ортиқ ёки фойдаси йўқ, зарарли нарсаларга сарф қилишдир. Қуръони каримда марҳамат қилинади:

**“...Шунингдек, еб-ичингиз, (лекин) исроф қилмангиз! Зоро, У исроф қилувчиларни севмагай”** (Асроф, 31).

Кўпчилик исрофдан сақланмаяпти. Даструрхонларида ортиб қолган овқатлар ва нонларни ташлаб юборишяпти. Ачинарлиси, баъзилар тўй, байрам ва марака-маросимларда ноз-неъматларни исроф қилишиб, яна бу номақбул ишлари билан мақтанишади.

Ота-оналари ҳаётлик вақтида икки дона нон олиб бориб кўрмаган, қаріб қолганларида эса ўзларига ортиқча юқ, деб ҳисоблаган айrim ноқобил фарзандлар, улар вафот этганидан кейин маҳалла-кўйни чақириб, ош тарқатади. Динимизда буюрilmagan “пайшанба оши”, “қирқ”, “йил оши” каби турли маросимларни ўтказади. Ваҳоланки, қўли калталиги сабабли вояга етган ўғил-қизларини узатиб, уйлаб қўйишига қурби етмаётгандар бор. Йиллар давомида тўшакка михланиб ётган беморлар бор. Мана шу маросимларга сарфланадиган маблағлар савобини марҳум ота-онасининг рухониятларига бағишлиш ниятида, беморларга, ногирон, қариялар, меҳрибонлик ўйларига беришса, қандай яхши бўлади.

Кўпинча, ейишга яроқли қанчадан-қанча неъматлар увол бўлади. Бундай ҳолатлар фарзандларимизга салбий таъсир кўрсатиши аниқ. Халқимизда: “Куш уясида кўрганини қиласи” деган нақл бор.

Ном чиқариш, обрў қозониш, бошқалардан устун ёки пулдор эканини кўрсатиш мақсадида зиёфат ва маросимларни дабдабали қилишнинг оқибати хатарлидир. Аллоҳ таоло “...Исрофгарчиликка мутлақо йўл кўйманг!


Чунки исрофгарлар шайтонларнинг биродарлари. Шайтон эса, Парвардигорига нисбатан ўта ношукр эди”, дея марҳамат қиласи (Исроп, 26-27).

Барча ишда меъёр, мўътадиллик яхшидир. Бойлигини ҳар томонга сочган, айниқса, буюрilmagan ишларга сарфлаган кимса савоб ўрнига гунохини орттиради.

Имоми Аъзам (Ахъамийнин  
рахмати буслани): “Хайр (яхшилик) ва эҳсонда исроф бўлмаганидек, исрофда ҳам ҳеч қандай хайр йўқдир”, деганлар.

Вақтини беҳуда ўтказиш, оиласига, эл-юртга ёки ўзига фойдаси тегмайдиган нарсаларга куч сарфлаш, саломатлигига зарарли нарсаларни истеъмол қилиш ҳам исрофдир. Ҳамма ишда тежамкор ва тадбирли бўлиш мусулмон ахлоқининг зарур шартларидан эканини асло унутмайлик. Зоро, Пайгамбаримиз Муҳаммад (соллаллоҳу алайхи васаллам): “Аллоҳнинг ноз-неъматларидан хоҳлаганча еб-ичинглар, хайру эҳсон қилинглар, кийиниб ясанинглар, лекин ҳаргиз исрофгарчилик ва манманликка йўл қўйманглар!” дея огоҳлантирганлар.

**Соҳибжон АҲМЕДОВ,**  
*Бағдод тумани бош имом-хатаби*



## Имом-хатиблар йигини

Жорий йилнинг 12 феврал куни Навоий вилояти имом-хатиблар йигилиши бўлиб ўтди. Унда имом-хатибларнинг 2012 йилдаги фаолияти, эришилган ютуқлар ва йўл қўйилган камчиликлар таҳлили ва “Обод турмуш йили”да имомлар олдида турган долзарб вазифалар қўриб чиқилди.

Ўтган йили Навоий имом-хатиблари амалга оширган ишлар Навоий вилояти бош имом-хатиби Тоиржон Рўзиев ҳисоботи тингланди. Ҳисоботда Навоий вилоятидағи мавжуд барча масжидларнинг ерга ва мулккага эгалик қилувчи кадастр хужжатлари расмийлаштирилгани, яроқсиз ҳолга келиб қолган “Сарой”, Хатирчи туманидаги “Тангриберди бобо” жоме масжидлари янгитдан қурилгани, 2012 йили имом-хатиблар қарийб икки мингга яқин тадбирларда иштирок этишгани, ОАВда юзга яқин чиқишлар қилгани эътироф этилди.

Мажлис якунида вилоят имом-хатиблари ичida энг фаол хизмат қилаётган Қизилтепа тумани бош имом-хатиби Завқиддин Орипов, Учқудук шаҳар имом-хатиби Абдужалол Турдиев, Кармана тумани “Қосим шайх” жоме масжиди имом-хатиби Дилшод Эргашев ва Хатирчи тумани “Шайх Гадой Селкин” жоме масжиди имом-хатибларнинг хизматлари эътироф этилди ва мақтов ёрликлари топширилди.

*Ўзбекистон мусулмонлари идораси  
Масжидлар бўлими*

## МУХИМ МАНБА БЎЛАДИ

Шу йил 26 феврал куни Ўзбекистон мусулмонлари идораси мажлислар залида идора раиси ўринбосари Айдарбек Тулеповнинг “Ислом ва ақидапараст оқимлар” номли китобининг тақдимоти бўлиб ўтди. Унда турли вазирликлар, ташкилотлар вакиллари, имом-хатиблар қатнашишди.

Тақдимотда сўзга чиқсан Ўзбекистон мусулмонлари идораси раиси, муфтий Усмонхон Алимов, идора раиси ўринбосари шайх Абдулазиз Мансур, Тошкент шаҳар бош имом-хатиби Анвар қори Турсунов, тарих фанлари доктори, профессор Аҳаджон Ҳасанов, Тошкент Ислом университети ректори Равшан Абдуллаев ва бошқалар Ислом динини ниқоб қилган бузғунчи оқим ва фирмаларнинг пайдо бўлиши, уларнинг ботил ақидалари, фаолият услублари китобда тарихий фактлар ва асосли далилларга таянган ҳолда ёритилганини таъкидлашди (*Мавузга доир суратлар муқованинг 2-саҳифасида*).

Асарда Ислом динидаги ақидавий йўналишлар ва фикҳий мазҳаблар ҳақида ҳам маълумотлар берилган. Ёшларимизни тўғри йўлга солиш, бузғунчи кучлар таъсиридан асраш ва ҳушёрликка чорлашда ушбу китоб мухим манбалардан бири бўлиб қолади.

Китоб “Sharq” нашриёт-матбаа аксиядорлик компаниясида беш минг нусхада чоп этилган.

*Мухбиримиз*

\* \* \*

Шу йил 14 феврал куни диний идоранинг Сурхондарё вилояти вакиллигида Ўзбекистон мусулмонлари идораси раиси ўринбосари Айдарбек Тулеповнинг янги чоп этилган “Ислом ва ақидапараст оқимлар” китобининг тақдимоти ўтказилди. Унда вакиллик ходимлари, шаҳар ва туман бош имом-хатиблари қатнашишди.

Ушбу китобда имом-хатиблар учун энг долзарб мавзулар ёритилган. Икки юздан ортиқ оқимлар тўғрисида маълумотларга бой бу китобда сохта тариқатчиларга ҳам раддия жавоблар бор. Вилоят вакили Эргаш Рустамов китобда адашган фирмалардан “Ислом жиҳодчилар ҳаракати”, “Ислом лашкари”, “Нурчилар” кабиларнинг зарарлари аниқ кўрсатилгани ҳақида гапирди. Жаҳолатга маърифат билан курашиш лозимлигини таъкидлади.

Тақдимот сўнгидаги туманларда ҳам ушбу китобнинг тақдимотини имом-хатиблар билан ўтказиш аниқ кўрсатилган тўғрисида топшириқ берилди.

*Сурхондарё вилояти вакиллиги*

# БЕПАРВОЛИК ОФАТ КЕЛТИРИР

Маълумки, кундузи кўзи-мизга кўринмайдиган ҳар хил ҳашарот ва жониворлар кеч тушиши билан гимирлаб қолади. Сичқон, каламуш, суварак сингари зарар келтирувчиларни бунга мисол қилишимиз мумкин. Сичқон ва каламуш теккан идишларни тозаламасдан туриб фойдаланиш эса макруҳ саналади. Аммо ҳеч ким уларнинг зарапидан сақланиш учун тонгга қадар кўриқчилик қилиб ўтира олмайди. У ҳолда нима қилиш керак?

Аллоҳ таоло тунни бандарининг дам олишлари учун яратган. Ва мукаммал, гўзал бўлмиш Ислом дини орқали биз инсонларга ҳам енгиллик, ҳам фаровонликни кўзлаган. Буни Қуръон оятлари ҳамда муборак ҳадислар исботлайди.

Жобирдан (Аллоҳ ундан рози бўлсан) ривоят қилинади. Расууллоҳ (ундаги Аллоҳнинг салоти ва саломи бўлсан) бундай марҳамат қилдилар:

“Кеч киргач, болаларингизни уйда ушлаб туринг. Чунки бу пайтда шайтонлар (жинлар) изғийди. Бир соат ўтгач, болаларингизни эркин кўйинг. Аллоҳнинг номини зикр этиб эшиклигинизни беркитинг. Зеро, шайтон беркитилган эшиклини очмайди. Аллоҳнинг номини зикр этиб мешларингиз оғзини боғлангиз. Аллоҳнинг номини зикр этиб идиш-

ларингиз устига бирон нарса бўлса-да, ташлаб қўйинг. Чироқларингизни ўчиринг (ёting)” (Муттафақун алаиҳ).

Эшикни беркитиш ҳар хил зарарли ҳашаротлар, ҳайвонларнинг зарар етказиши ёки ўғри кириши, номахрамлар назари тушишининг олдини олса, чироқларни ўчириб ётиш эса кутилмаган кўнгилсизликларга моне бўлади.

Иbn Аббосдан (Аллоҳ ундан рози бўлсан) ривоят қилинади: “Сичқон келиб, пиликни судрай бошлади. Ходима уни ҳайдади. Шунда Набий (ундаги Аллоҳнинг салоти ва саломи бўлсан): “Кўявер уни”, дедилар. Сичқон пиликни у зот ўтирган хамра (жойнамозча) устига ташлади. Унинг дирҳамдек жойи куиди. Шунда у зот: “Қачон ухласангиз, чироқларингизни ўчиринг. Чунки шайтон мана бунга ўхшаганга амр қилса, куйиб қолишингиз мумкин”, дедилар.

Ҳадисда чироқ ва оловнинг зарапларидан бири келтирилган. Бугунги кунда пиликли чироқ бўлмаса-да, электр чироқларнинг кечаси бехуда ёниқ қолиши ҳам оила, ҳам давлат иқтисодига зарар етказади. Қолаверса, унинг ёруғлигига ухлашузокни кўра олмаслик каби хасталикларга сабаб бўлиши ҳам исботланган.

Айниқса, қиши ойларидан олов, яъни газдан фойдаланишда ҳардамгидан ҳам ҳушёрлик талаб қилинади. Чунки ёнғинга қарши кураш биргина ёнғин хавфсизлиги хизмати ходимларининг эмас, балки ҳаммамизнинг бурчимиздир. Аксарият ёнғин билан боғлиқ кўнгилсизликлар бепарволик, кишиларнинг электр ускуналари ва газдан эҳтиётсизлик ёки нотўғри фойдаланиши натижасида келиб чиқади. Аҳамиятсиздек кўринган кичик бир бепарволик катта-катта талафотларга сабаб бўлиши ҳаётда кўп марта кузатилган...

Абу Мусодан (Аллоҳ ундан рози бўлсан) ривоят қилинади. “Кечаси Мадинада бир уй ёниб аҳли зарар кўрди. Бу ҳақда Набийга (ундаги Аллоҳнинг салоти ва саломи бўлсан) айтилди. У зот (ундаги Аллоҳнинг салоти ва саломи бўлсан): “Албатта, олов сизга душмандир. Қачон ухласангиз, уни ўчиринг”, дедилар” (Муттафақун алаиҳ).

Тўғри, совуқ кунларда печка ва турли иситкич асбобларидан фойдаланилади. Уларни ишлатиш жараённида аввало, ҳадисга биноан яшаш, шунингдек, доимо ҳушёр бўлиш ҳар бир мусулмонга зарур. Зеро, бу набавий одоб бўлиб, унга ҳар биримиз риоя этишимиз ва оила аъзоларимизга ўргатишимиш шарт.

**Гулбаҳор ҲОШИМОВА**  
ташёрлади.



## ҚУРЬОНШУНОСЛАР МУСОБАҚАСИ

Январ ойининг 24-куни Тошкент Ислом университети магистратура бўлими ташаббуси билан “Ҳикмат дурданалари” деб номланган қуръоншунослик мусобақаси ўтказилди. Унда университетнинг фаол талабаларидан тузилган гурухлар қатнашиди.

Тадбирда сўзга чиққан Ўзбекистон мусулмонлари идораси раиси ўринbosари Абдулазиз Мансур Қуръони каримнинг фазилатлари ҳақида гапирди ва бундай тадбирлар ўтказилиши талабаларнинг Қуръон илмини ўрганишида жуда аҳамиятли эканини таъкидлади.

“Ибратли қиссалар”, “Муфассирлар ворисларимиз”, тезкор савол-жавоб ва мужаввидлик шартлари бўйича беллашув натижаларига кўра, “Бурҳон” гурухи биринчи, “Ҳилол” гурухи иккинчи ва “Ирфон” гурухи учинчи ўринни олди.



Томошабинлар ўртасида ҳам Қуръон илмларига доир савол-жавоблар ўтказилди.

## БЎЛИМ ТАШАББУСИ

Шу йилнинг 2 феврал куни Тошкент Ислом университети Манбалар хазинаси бўлими ташаббуси билан «Асарлар ҳикмати» деб аталган тадбир ўтказилди. Унда бўлим мудири Бурхониддин Аҳмедов ва бўлим ходимлари сўзга чиқиб, бўлимнинг фаолияти, у ерда сақланаётган қўлёзма, тошбосма ва янги нашр этилган китоблар ҳақида йиғилганларга маълумот беришди. Шунингдек, ноёб ва нодир китоблар тақдимоти ҳам бўлиб ўтди. Тадбир сўнгидага талабаларга билимларини синаб кўриш учун турли қизиқарли саволлар берилди, ғолибларга совғалар улашилди.

**Бадриддин САДРИДДИН ўғли**

## СИЙРАТ МУСОБАҚАСИ

Шу йил 6 феврал куни Тошкент Ислом институтида “Суюкли Пайғамбаримиз” мавзуида курслараро сийрат мусобақаси бўлиб ўтди. Тадбирда диний идора раиси ўринbosари Абдулазиз Мансуров, мутасадди раҳбарлар ва устоз-мураббийлар иштирок этилди. Беш



шартдан иборат бўлган мусобақа натижаларига кўра, 1-, 2-курс иштирокчилари биринчи, 3-курс иштирокчилари иккинчи, 4-курс иштирокчилари учинчи ўринга лойиқ топилди.

**Абдул Азим ЗИЁУДДИН**

\*\*\*

15 феврал куни институтда шоирнинг “Бобурнома” асарининг ўзбек адабиётида тутган ўрни” мавзуида илмий сухбат ўтказилди. Унда Алишер Навоий номидаги Давлат Адабиёт музеи етакчи илмий ходими, филология фанлари доктори, профессор Нажмиддин Низомиддинов иштирок этди.

Профессор Нажмиддин Низомиддинов “Бобурнома” асарининг илмий аҳамияти, бобурийлар салтанатининг жаҳон маданиятига қўшган ҳиссаси ҳақида гапирди. Тадбир давомида профессорнинг “Буюк Бобурийлар тарихи (XVI–XIX аср)” номли монографияси тақдимоти ҳам бўлиб ўтди. Шунингдек, янги чоп этилган “Бобурий подшоҳ Аврангзеб. Маъосири Оламгирий” (Оламгиринг хайрли ишлари) номли китоб ҳам иштирокчиларга танишитирildi.

**Жаҳонгир МЕЛИҚЎЗИЕВ**

# СЎРАГАН ЭДИНГИЗ...

Саволларингизга Ўзбекистон мусулмонлари идораси раиси, муфтий  
Усмонхон АЛИМОВ жавоб беради.

Ассалому алайкум ва раҳматуллоҳи ва барокатуҳ. Ҳурматли Муфтий ҳазратлари!

**Савол:** Аzon айтиш ҳақида сўрамоқчи эдим. Уни айтишда қандай қоидаларга риоя қилиш керак? Ҳозир кўпгина масжидларимизда бир қўлида микрофон тутиб, иккинчи қўлинни қулогига қўйиб аzon айтишади. Шу тўғрими? Ундан ташқари, аzon хонақоҳнинг ичидаги айтиладими ёки ташқарисидами? Илтимос, шулар ҳақида батафсил маълумот берсангиз.

**Жавоб:** Алҳамду лиллаҳ, вассолату вассаламу ъала Расулиллаҳ. Аммо баъд.

Бизнинг мазҳабда беш вақт намоз ва жума намози учун аzon айтиш суннати муаккададир (“Коғий”, “Муҳит”). Муаззин эркак, ақлли, солих, тақволи ва суннатни яхши биладиган бўлиши афзалдир (“Нуҳоя”). Балоғатга етган киши айтиши авлодир.

Аzonни минорада ёки хонақоҳ ташқарисида айтиш унинг ичидаги айтишдан кўра яхшидир (“Фатовойи Қозиҳон”). Иқомат эса ерда, хонақоҳнинг ичидаги айтилади (“Куня”). Муаззин аzon ва иқомат айтиётганида бир жойда туриши керак. Иқоматнинг “Қад қомат солат” жумлаларига келганда юрса бўлади. Аzonни баланд жойда овозини кўтариб, атрофдагиларга эшиттириб айтиш аzonнинг суннатларидандир (“Баҳрур роик”). Муаззиннинг аzon ва қомат айтиш чоғида қўлларини қулоқларига қўйиши ҳам аzonнинг суннати (“Куня”). Шунинг учун микрофон билан аzon айтиганда, микрофонни маҳсус тутқичга ўрнатиб, икки қўлни қулоққа қўйиб айтиласа, суннатга мувофиқ бўлади.

Аzon ва қоматда талҳин макруҳдир. Талҳин сўзларнинг бузилишига сабаб бўладиган даражада чўзиш, нағма қилишдир. Аzonни, талҳин қилиб юбормаслик шарти билан, чиройли овозда айтиш керак (“Шарҳи Виқоя”). “Аллоҳу акбар” жумласидаги “акбар” сўзининг биринчи “а” товушини чўзиб айтиш ўта хатарли хатодир. Кейинги “а” товушини чўзиш эса ёмон хато бўлади (“Фатовойи Ҳиндия”).



**Савол:** “Аллоҳумма” сўзи ўзбекчага қандай таржима қилинади? Баъзи ҳадис таржималарида уни “Аллоҳим” деб ўғирилганини кўрдим, шу тўғрими?

**Жавоб:** Афсус, бугунги кунда “Аллоҳим” дейишистеъмолга кириб кетди. Бу “Аллоҳумма” сўзининг ўзбек тилига “Аллоҳим” деб хато ўғириш натижасидир. “Аллоҳумма” сўзининг маъноси “Эй Аллоҳ”дир. “Аллоҳ” лафзи “им”, “инг”, “(и)миз”, “(и)нгиз” каби эгалик қўшимчалари маъносидаги қўшимчалар билан ояти карималарда ҳам, ҳадис шарифларда ҳам келмаган. Аммо “илоҳ” сўзига мазкур қўшимчалар қўшилиб келган. Шунинг учун “илоҳим”, “илоҳинг” дейиши мумкин.



**Савол:** Шариат истилоҳида “мискин” ким, “фақир” ким?

**Жавоб:** Пайғамбаримиз (у зотга Аллоҳининг салоти ва саломи бўлсин) “мискин”ни бундай таърифлаганлар: “Мискин эшикма-эшик юриб, бир-икки дона хурмо, иккилуқма таом олиб юрадиган тиламчи эмас, ҳақиқий мискин ўзини боқолмайдиган, садақа сўраб юрмайдиган, одамлар унинг ҳолидан хабарсиз бўлишганидан унга садақа беришмайдиган кишидир” (*Имом Бухорий, Имом Муслим ривояти*).

Имом Абу Ҳанифа (<sup>Аллоҳининг</sup> рахмати бўлсин): “Хоҳ тупроқли (хор) мискин” мазмунли Балад сурасининг 16-ояти каримаси ва мазкур ҳадисга асосан мискин фақирдан ҳам муҳтожроқ кишидир, деганлар.

Шофиъийлар факир мискиндан ҳам ночор одам дейишади. Улар бу сўзларига “**Кема хусусига келсак, у денгизда ишлайдиган мискинларники эди. Бас, мен уни айбли қилиб қўймоқчи бўлдим.** (Чунки) уларнинг ортида барча (бутун) кемаларни тортиб олаётган бир подшоҳ бор эди” (*Қаҳф*, 79) оятини далил қилишган. У оятда кемаси бор кишиларни “мискинлар” деб аталган.


Ҳанафий фикҳ китобларида факирнинг эса ҳеч вақоси бўлмайди, дейишган.

Аслий эҳтиёжларидан ташқари кумуш зақоти нисоби миқдоридаги молга эга бўлмаган киши факир, ҳеч вақоси йўқ киши мискин, дейилади.



**Савол: Мен бир китобда ўқиган эдим. Кимсасиз далада ўқилган намознинг савоби бир неча марта кўп бўлар экан. Шу тўғрими?**

**Жавоб:** Сиз айтган кимсасиз далада ўқилган намоздан мурод нафл намоздир. Чунки нафл намозлар ёлғиз, ҳеч ким кўрмайдиган жойда ўқилса, риёдан узоқ ва ихлосга яқин бўлгани учун савоби кўп бўлади.



**Савол:** Куръони каримда исми келган “Хорут” ва “Морут” исмли икки фаришта ҳақида турли ривоятлар бор. Жумладан, улар ер юзида гуноҳ қилганлари ва жазони шу дунёда олишни хоҳлаганлари боис қиёматгача азобланишлари айтилади. Бу қанчалик ҳақиқат?

**Жавоб:** Хорут ва Морут номли икки фаришта одамларга сеҳр ўргатиш учун туширилгани улар зикр қилинган ояти каримада айтилган. Бу фаришталар хусусида сиз айтган гаплар, ривоятлар асоссиз, тўқима эканини барча муфассирлар таъкидлашган. Бу икки фариштанинг туширилиш ҳикмати ҳақида Фахруддин Розий “Мафотихул ғайб” тафсирида бундай дейди: “Одамлар у пайтда сеҳрнинг моҳиятини билмасдилар. Шу сабабли улар мўъжизанинг ҳам моҳиятига етолмасдилар. Улар сеҳрнинг моҳиятини англашлари учун Аллоҳ таоло бу икки фариштани туширди”.

Фаришталар гарчи одамларга сеҳрни ўргатиш учун тушган бўлсалар ҳам, олдиндан: “**Биз фақатгина синов** (воситасимиз, бизга ишониб) **кофир бўлиб қолма**», яъни, “Эҳтиёт бўл! Сен сеҳрни ўрганишдан мақсадинг унинг мўъжизадан фарқини аниқлаш бўлса-да, сеҳр сабабли гуноҳга қўл уриб қўйишинг, натижада эса кофир бўлиб қолишинг ҳеч гап эмас!” дейа қатъий огоҳлантиришарди.



**Савол: “Етим” деб шариатимизда кимга айтилади?**

**Жавоб:** Етим деб балоғат ёшига етмай отасидан ажраб қолган болага айтилади. Онаси ўлган бола етим дейилмайди. Зажжож бу таъриф одамларга хослиги, ҳайвонларда эса, онаси ўлгани етим бўлишини айтган.

Ўғил ё қиз бола балоғатга етганидан сўнг ота-онаси оламдан ўтса, улар етим хисобланмайди (Фахриддин Розий).

**Нўймон АБДУЛМАЖИД**  
ёзib олди.

# ИМОМИ АЪЗАМНИНГ СУКУТЛАРИ ВА САХИЙЛИКЛАРИ



\* \* \*

Бир куни бир одам Имоми Аъзамнинг ҳузурига кириб, бирнималар деди. Ҳазрат Имоми Аъзам унинг гапларини эшитиб бўлгач, бундай деган эканлар: “Бу каби бефойда сўзларни қўй. Одамларга ёқмайдиган кишининг сўзидан қочиш керак. Ким биз ҳақимиизда ёмон гапирса, Тангри уни кечирсин, ким биз ҳақимиизда яхши сўзласа, Аллоҳ таоло уни раҳматига олсин. Аллоҳ таоло розилиги учун фикҳни ўрганинглар ва одамларнинг гап-сўзини қўйинглар”.

\* \* \*

Бир киши Имоми Аъзамдан сўради: “Алқама яхшироқми ёки Асвадми? (Яъни қай бири афзал?)” Имоми Аъзам бундай жавоб бердилар: “Мен икковларини дуо ва истифор ила ёд қилиб, таъзимларини бажо келтираман, бирларини бирларидан афзал дейишга ҳаққим ва ҳаддим йўқ”.

\* \* \*

Ибн Муборак бундай деган: “Имоми Аъзамнинг бирор душмандан шикоят қилганини ҳам, биронни ёмонлаганини ҳам эшитмаганман”. Бакр ибн Маъруф айтади: “Ҳазрат Муҳаммаднинг (у зотга Аллоҳнинг  
салоти ва саломи  
бўлсин) уммати ичра Абу Ханифадан гўзал сифатлироқ ва яхши сийратлироқ одамни кўрмадим”.

\* \* \*

Имоми Аъзам ҳазратлари шогирдлари ва бошқа одамларга жуда кўп икром ва эҳсон

қиладиган, раҳмдил ва кичикфеъл эдилар. Бинобарин, уйлана олмайдиганларни уйлантирап, шунга муносиб нафақа ҳам берар эдилар. Яна керакли нарсалар юбориб, муруват қилиб турардилар. Бир куни бир сухбатдошларининг кийими кир бўлгани ва эскириб кетганига кўзлари тушди. Бошқалар чиқиб кетган вақтда ундан яна бир оз ўтиришини сўрадилар. Сўнгра унга: “Жойнамознинг тагида пул бор, олиб ўзингизга кийим ҳарид қилинг”, дедилар. Ўша шогирдлари пулни олиб кетиб санаган эди, мингтанга чиқди.

\* \* \*

Имом Абу Юсуф айтибдилар: “Устозим ҳеч кимнинг сўровини қайтарган эмаслар, балки барчанинг ҳожатинираво қиласардилар”.

\* \* \*

Ўғиллари Ҳаммод Фотиха сурасини хатм қилди. Улуғ имом домлага минг танга юбориб, яна узр айтдилар: «Узр, тақсир, арзирли нарса юборолмадик. Сиз “Озгина таълим бердим-ку”, деб илмни хор тутманг. Бизда бу минг тангадан кўпроғи бўлганида, Қуръони мажиднинг таъзими учун юборар эдик».

\* \* \*

Имоми Аъзам (Аъзомнинг  
раҳмати  
бўлсин) Имом Вакиъга бундай деган эканлар: “Кирқ йилдан бери тўрт минг тангадан ошиқ пулни қўлимда тутмайман. Тўрт минг тангадан ошиғини чиқараман (тарқатаман). Шу тўрт минг танга ҳам олимлар нафақасининг сармояси учундир, йўқса бир танга ҳам сақламас эдим”.

# ХАЙРЛИСИ БЎЛСИН!

\* \* \*

Ўзлари ва бола-чақалари учун кийим-кечакми, мевами ёки бошқа нарсами олмоқчи бўлсалар, олдин катта уламоларга олиб, сўнгра ўзларига олар эдилар. Имом Абу Юсуф айтади: “Бирор киши устозга берган нарсалари ва қилган эҳсонлари учун миннатдорлик билдириш, устоз хафа бўлиб, бундай дер эканлар: “Бу нарсалар Аллоҳ таолонинг сенга берган ризқидир, Унга шукр қил, менга эмас”.

\* \* \*

Имоми Аъзам устозлари имом Ҳаммоднинг саховат ва эҳсонларини кўп эслардилар. Ҳазрат Имоми Аъзам ўн йил имом Абу Юсуфнинг харажатлари ва нафақаларини бериб турган эканлар.

\* \* \*

Имом Шақиқ айтади: “Абу Ҳанифа билан йўлдош бўлиб сафарга чиқдим. Бир одам Абу Ҳанифани кўриб, бошқа йўлга қочди. Абу Ҳанифа уни кўриб, қаттиқ чақирди ва ундан: “Нега қочяпсиз?” деб сўради. У киши: “Сизнинг бир неча танга пулингиз менинг гарданимда турибди. Кўп замонлар ўтди, қашшоқ бўлиб қайтаролмадим. Шундан уяламан”, деб жавоб берди. Абу Ҳанифа: “Ундей бўлса, ҳаммасидан кечдим. Энди хотиржам бўлинг, мендан уялиб қочманг!”

\* \* \*

Ушбу сатрлар муаллифи айтади: йўлбошчимиз Имоми Аъзам ҳазратларининг ҳамма одамларга, хусусан, шогирдларига эҳсон ва саховатлари таҳсинга сазовор ва барчамизга ўрнақдир. Кани энди устозлик дъявосини қилгувчи ҳар бир мударрис Имоми Аъзамнинг бу гўзал одатларини ўзига дастуриламал билиб, шогирдларга марҳамат назари билан қараса, уларга саховат кўрсата олмаган тақдирда ҳам, ҳеч қурса улардан бирон нима та-ма қилмаса, шунда балки шогирдлар ҳам илмли, ҳам ҳиммат ва мурувватли бўлармиди...

**Васлий САМАРҚАНДИЙ**нинг  
“Имоми Аъзамнинг ҳаёти ҳақида  
қимматли сўзлар”  
китобидан тайёрланди.

Бир ишни бошлашдан, қарор қилишдан аввал, бирор ҳодиса олдидан “Хайрлиси бўлсин” дейиш мўмин-мусулмон кишининг чиройли ва муҳим хислатларидан бири. Бу сўзларни айтган мўмин: “Ўзим истаган нарса эмас, балки мен учун хайрлиси бўлсин”, дея Аллоҳнинг тақдирига рози бўлади.

Ўзимиз учун натижаси мавҳум ишни бошлашдан олдин хайрли якунга умид боғлаймиз. Тижорат ишида кўпроқ фойда олишни, оила қуриш арафасида турганларнинг турмуши хайрли бўлишини, шифокор ёки касалхонага борар эканмиз, дардимизга шифо топишни истаймиз. Хуллас, нима иш қилсан ҳам, хаёлимизда бир фикр, кўнглимизда бир истак бўлади. Фақат ҳақиқий мўминнинг бундай вақтда қилган дуоси “Истаганимни бер” эмас, “Мен учун хайрли бўлганини насиб қил” дейиш билан Аллоҳнинг қазои қадарига имон келтиради.

Аллоҳ таоло бундай марҳамат қилади: “...Балким, сизлар ёқтиргмаган нарса (аслида) ўзларингиз учун яхши, ёқтирган нарсангиз эса (аслида) сизлар учун ёмон бўлиб чиқар. Аллоҳ билур, сизлар эса билмайсизлар” (Бақара, 216).

Оятдаги ифода жуда аниқ ва равшан баён этилган. Инсон онги ўз ҳаёти билан боғлиқ ҳодисаларни олдиндан кўра олишдан чегараланган. Келгусида ўзини нималар кутаётганини билмаган инсон ана шу чегараланган онги билан ўзича тахминий қарорлар қабул қилади. Баъзан ишларимиз юришганида, тижоратимиздан кўп фойда олганимизда ёки касалликдан согайганимизда қароримиз яхшиликка бўлганига ишонамиз. Ваҳоланки, бу ишлар оқибатда бизга қай даражада хайрли бўлганини билмаймиз ҳам.

Яъни, юришаётган ишлари кишини нотўғри йўлга бошлаётган бўлиши, охир-оқибат балога йўлиқтириши ҳам мумкин. Баъзан бизга чиройли кўринган нарсалар сўнгти паллада ёмонликка, аксинча, оғир туюлган юмушлар яхши якунга олиб келади. Табиий, масаланинг охиратга боғлиқ жиҳатлари бор ва энг муҳими ҳам шу. Биз учун бу дунёда мусибат бўлган нарса охират диёрида эгасини олий мақомларга мушарраф қилиши мумкин.

Иродда ТЎРАХОНОВА

# ТИЛ ЯХШИЛИКНИ СҮЗЛАСИН

Тил ўзи тан аъзоси ўлароқ кичкинагина бўлса-да, масъулияти жуда каттадир. Чунки гийбат, тухмат, ёлғончилик, ҳақорат, чақимчилик, ёлғон гувоҳлик бериш каби гуноҳ ишларни тил содир этади. Сўз кучи билан олам ислоҳ этилиши, тил хатоси туфайли жамият бузилиши мумкин. Донишманд халқимиз: “Яхши гап билан илон инидан, ёмон гап билан мусулмон динидан чиқади”, деб бежиз айтмаган. Ойша онамиздан (Аллоҳ ундан ризи) ривоят қилинади: «Бир киши Расулуллоҳнинг (у зотга Аллоҳнинг салоти ва саломи бўлсин) хузурларига кириш учун изн сўради. Расулуллоҳ (у зотга Аллоҳнинг салоти ва саломи бўлсин) унинг кимлигини билгандаридан кейин: “У қавмининг энг ёмон кишиси”, дедилар, аммо киришга рухсат этдилар. Кейин уни очик чехра билан кутиб олиб, унга мулоҳимлик билан гапирдилар. У кетгач, Ойша онамиз таажжубланиб: “Эй Аллоҳнинг элчиси! Унинг номини эшитганингизда, қавмининг энг ёмон кишиси, деб айтдингиз. Ҳузурингизга кирганида, уни яхши қабул қилдингиз, мулоҳим гапирдингиз?” деб сўрадилар. Расулуллоҳ (у зотга Аллоҳнинг салоти ва саломи бўлсин): “Эй Ойша! Сен қачон менинг қўпол муомала қилганимни кўргансан? Бу дунёда қўполлиги сабаб одамлар у билан муомала қилмай қўйган киши қиёмат кунида энг ёмон кимса бўлади”, дедилар» (*И мом Бухорий ривояти*).

Шундай экан, тил фақат рост, бошқаларнинг дилига озор етказмайдиган чиройли сўзларни гапириши лозим. Уни ҳақорат, фахш ва беҳуда нарсаларни гапиришга одатлантириб қўйишдан сақлаш керак. Кишиларнинг ёмонлигини яшириб, фақат яхшиликларини айтиш ҳам фазилатdir. Шу боис, сўзлаганда билиб сўзлаш, бўлмаса жим туриш афзал саналади. Расулуллоҳ (у зотга Аллоҳнинг салоти ва саломи бўлсин): “Ким Аллоҳ таоло-



га ва охират кунига имон келтирган бўлса, фақат яхшиликни сўзласин ёки жим турсин”, деганлар.

Тилни қалб таржимони ҳам дейишади. Инсоннинг қалби соф бўлса, унинг тилидан яхши гаплар чиқади. Ҳар бир кишининг сўзига қараб унинг кимлигини, қандай инсонлигини англасса бўлади. Пайғамбаримиз (у зотга Аллоҳнинг салоти ва саломи бўлсин) бундай деганлар: “Банданинг қалби тўғриланмас экан, унинг имони тўғри бўлмайди ва банданинг тили тўғриланмас экан, унинг қалби тўғриланмайди” (*И мом Аҳмад ривояти*).

Мўмин ёмон гапларни айтишдан, гийбатдан, бақир-чақир қилишдан ўзини тийиб, муомаласи ёқимли, сўзи ширин бўлади. Файратли, жаҳлини жиловлай олган, хушфеъл кишиларга улкан ажрлар бор. Аллоҳ таоло марҳамат қиласи: «**Уларнинг кўп шивирлашиб гапиришларида яхшилик йўқдир.** Магар садақа беришга, эзгуликка ёки одамлар ўртасини ислоҳ қилишга буюрган бўлсалар, бу яхшидир. Кимда-ким Аллоҳ ризоси учун шу ишларни қилса, унга улкан мукофот беражакмиз» (*Нисо, 114*).

Чақимчи ва гийбатчи кишилар ўсимлик илдизига тушган қуртдай халқ орасига нифоқ солиб, яхшилик томирларини кемириб, те-

мирдаги занг каби меҳр-муҳаббатни емириб боради. Шунинг учун хикматли зотлар: “Мол ўғрисидан кўра дўстлик, улфат ва муҳаббат ўғриларидан эҳтиёт бўлмоқ лозим”, дейишган.

Абдулла Авлоний бундай ёзди:

“Агар журму гуноҳ  
бўлсин десанг оз,  
Тилингни сақла  
ғийбатдан қишу ёз”.

**Пайғамбаримиз** (у зотга Адохининг  
салоти ва саломи  
бўлсин) Абу Зарга (Аллоҳ  
ундан роғи  
бўлсин) қилган васиятларининг бирида: “Жим туришга одатлан, чунки жим туриш, шайтонни ҳайдайди ва динингни сақлашингда сенга ёрдам беради”, деганлар.

Аллоҳ таоло бундай огоҳлантиради: «Эй мўминлар! Аллоҳдан қўрқинглар ва тўғри сўзланглар!» (Аҳзоб, 70).

**Қувондиқ  
БОЙМУРОДОВ,**  
Тошкент шаҳридаги “Чўпон ота”  
жоме масжиди имом-хатиби



## Улугларниң дуоларидан

**Ҳазрати Абу Бакринг** (Аллоҳ  
ундан роғи  
бўлсин) дуолари:

Ё Аллоҳ! Менга имон, сидқидиллик, соғлик, оғият ва соғлом бир ният бер.

Ё Аллоҳ! Умримнинг энг хайрлиси, умримнинг сўнги, амалимнинг энг хайрлиси, амалимнинг сўнги ва кунларимнинг энг хайрлиси, Сенга қайтадиган куним бўлсин.

**Ҳазрати Умарнинг** (Аллоҳ  
ундан роғи  
бўлсин) дуолари:

Ё Аллоҳ! Мени ногаҳон ўлимдан ёхуд ғафлатда қолдиришинг ёки ғофиллардан қилишингдан паноҳтилайман.

Ё Аллоҳ! Мени яхшилар орасида ўлдир, ёмонлардан қилма, оташ азобидан асра ва яхшилар қаторига қўшгин.

**Ҳазрати Алининг** (Аллоҳ  
ундан роғи  
бўлсин) дуолари:

Ё Аллоҳ! Бало ва мусибатлардан, омадсизликдан, душманлар билан тортишишдан, хибс этилишдан, киshanлашишдан ва калтакланишдан паноҳтилайман.

Ё Аллоҳ! Менинг гуноҳларим Сенга зарар бермайди. Сенинг менга марҳамат қилишинг Сендан ҳеч нарсани камайтириб қўймайди.

**Зайд ибн Собитнинг** (Аллоҳ  
ундан роғи  
бўлсин) дуоси:

Ё Аллоҳ! Сендан болачақам ва қўл остимда менга қараб қолган қулларимни боқишига етгулик бойлик сўрайман. Ва бирор қариндошимнинг қариндошлиқ ҳақини адo этол-



маганим учун мени баддуо қилишидан паноҳтилайман.

**Ибн Аббоснинг** (Аллоҳ  
ундан роғи  
бўлсин) дуоси:

Ё Аллоҳ! Мени берган ризқингга қаноат этгувчи-лардан айла, менга берган ризқни баракотли қил ва орқада қолдирган ҳар нарсамни Ўзинг асра!

**Anas ибн Моликнинг** (Аллоҳ  
ундан роғи  
бўлсин) дуоси:

Ё Аллоҳ, уни (мусулмон биродаримни) кечалари ибодат қилувчи ва кундузлари рўздор яхшилар дуосининг баракотидан маҳрум этма.


# ИСЛОМ ВА ОЛАМ

## КЕНГАШ ТУЗИЛДИ



Саудия Арабистонининг “Kingdom Holding Company” хиссадорлик ширкати шаҳзода Волид раҳнамолигида дин аҳкомлари бўйича директорлар кенгашини тузди. Янги кенгаш мамлакатда савдо-сотиқ ва молия тизимида фаолият юритаётган барча йирик ширкат ва ташкилотларнинг мижозларга кўрсатаётган хизматини назорат қилади. Қироллик суди аъзоси, шайх Абдуллоҳ Сулаймон Моний директорлар кенгashi раиси этиб тайинланди. Шаҳzоданинг шариат масалалари бўйича маслаҳатчisi Абдулазиз Нашвон, доктор Абдуллоҳ Салим Ҳамдий ва шайх Мухаммад Али Жорий каби машҳур олимлар кенгашдан ўрин олган.

## АЖОЙИБ МАСЖИД



Туркияning Бурса вилоятидаги қадимий “Нилуфар” жоме масжиdi қайта таъмирланяпти. Иншоот таъмирида нафисликка ва экология тозалигига алоҳида эътибор берилмоқда. Бу борада дунёning етакчи


меъморлари ва мутахассислари жалб қилинди. Иншоот томи қўёшдан қувват олувчи ашёдан ишланяпти. Бино музлатгичлар эмас, балки шамол ҳосил қилувчи ускуна билан совитилади. Қурилманинг ажойиблиги ёмғир сувидан унумли фойдаланишидир. Меъмор Челик Эренгезгин иморатга ўрнатилган маҳсус мосламалар ёрдамида ёмғир сувидан кунига бир юз йигирма киловатт электр ишлаб чиқишини айтди. Масжид эҳтиёжи учун яна кунда эллик киловатт электр қуввати кифоя қилади. Мамлакатдаги кўхна масжидларни ана шундай табиат билан ҳамоҳанг равишда

таъмирланиши катта манфаат етказиши тайин. Режага қўра қурилиш ишлари 2015 йилга қадар якунланади.

## МИНСК КЎРГАЗМАСИ

Шу йилнинг 6–10 феврал кунлари Минск шаҳридаги “Белэкспо” санъат саройида XX ҳалқaro китоблар кўргазмаси бўлиб ўтди. Тадбирни Белорус ахборот вазирилиги мамлакатдаги дипломатик ваколатхона ва элчиҳоналар билан ҳамкорликда ташкил этди. Унда йигирма бешдан ортиқ мамлакатдан ташриф буюрган турли нашриёт вакиллари, олимлар ва дин арбоблари қатнашиди. Кўргазмада Яқин Шарқ, Ўрта Осиё ва Оврупа ҳалқлари тарихи, санъати, маданияти, дини ва миллий анъаналарини акс эттирган юзлаб нашрлар намойиш этилди.

## САНЪАТ КЎРГАЗМАСИ



Эрон Ислом Республикасининг Тошкентдаги элчиҳонасида миллий маданият ва санъат кўргазмаси ўtkazildi. Тадбирда эронлик машҳур хаттот, рассом Маҳмуд Фаршчиён, “Кубони Шамси Наҳованд” мусиқачилар гурӯҳи ва мамлакатидаги дипломатик корпус вакиллари иштирок этилди. Кўргазмада Эрон амалий санъати услубидаги расмлар, хунармандларнинг кўл ишлари ва бошқа антиқа буюмлардан намуналар намойиш этилди. Анжуманда Эроннинг Ўзбекистондаги фавқулодда ва муҳтор элчиси Али Мардоний Фард сўзга чиқиб, икки ҳалқ ўртасидаги яхши муносабатлар тўғрисида сўзлади.

## ГААГА ҲАЛҚАРО АНЖУМАНИ

Нидерландияning Гаага шаҳрида Пайғамбаримиз Муҳаммаднинг (у зотга Аллоҳининг саломи бўлсин) ҳаётига бағишлиланган илмий-амалий анжуман бўлиб ўтди. Тадбирни “Sana” уюшма-

си билан Гаага Ислом маданияти маркази биргаликда ташкил қилди. Оврупа ва Яқин Шарқ мамлакатларидан уч юз нафардан ортиқ шарқшунос, етук олим ва дин арбоби иштирок этган мазкур халқаро анжумандада асосий мақсад Ислом динининг асл моҳияти ва Пайғамбаримиз Муҳаммаднинг (Узбек Алоҳининг  
салоти ва саломи  
будини) ибратли ишларини ўрнак қилиб кўрсатиш экани алоҳида таъкидланди. Анжуман материаллари нидерланд ҳамда араб тилларида тайёрланиб, интернет тармоғида фойдаланувчилар учун алоҳида сайт ҳам очилди.

## НАВБАТДАГИ ҚУРУЛТОЙ



12 январ куни Қиримдаги “Оқ масжид” жомесида қиримтатарларнинг V қурултойи бўлиб ўтди. Мажлисда ҳукумат аъзолари, уламолар кенгаши, ўқув даргоҳлари ректорлари ва Қиримда фаолият юритаётган халқаро уюшмалар вакиллари иштирок этишди. Тадбирда мамлакатдаги масжид имомларининг иш фаолиятини ривожлантириш, Ислом билим юртлари талабаларининг илм савиасини янада ошириш ҳамда уларни моддий ва маънавий рағбатлантириш масалалари кўрилди. Қиримтатар Олий Мажлиси радиси Мустафо Жамилов кўтарилган масалалар юзасидан ижобий фикрлар билдириб, бу ишларга ҳукумат имкон қадар ёрдам кўрсатишини маълум қилди.

## АКАДЕМИЯ ОЧИЛАДИ

Бруней Султонлигига покиза маҳсулотларни ишлаб чиқариш бўйича халқаро анжуман бўлиб ўтди. Унда турли мамлакатлардан келган халқаро эксперtlар, илмий текшириш институтлари ходимлари иштирок этдилар. Султонлик Ишлаб чиқариш вазири хорижий университетлар билан ҳамкорликда ҳалол маҳсулотни тайёрлаш, текшириш ва назорат қилиш академиясини ташкил этаётганини маълум қилди. Тадбирда бўлғуси академиянинг вазифалари, ишлаш тизими ва илмий текшириш лабораторияси хақидаги

йўриқнома тарқатилди. Ҳозир Бруней бу борада Япониянинг Осака ва Американинг Флорида университетлари билан ҳамкорликни йўлга кўйган.

## БРЮССЕЛ ИСЛОМ МАРКАЗИ




Брюсселда насронийлар, ҳиндулар ва бошқа дин вакилларининг маданият марказлари ва ибодатхоналари анча йиллардан бери фаолият юритиб келмоқда. Шулар қатори мусулмонларнинг ҳам ибодат қиласидиган, фикр алмашадиган ва диний адабиётларни мутолаа қиласидиган мажмууга эҳтиёжи катта эди. Ниҳоят маҳаллий ҳукумат янги Ислом мажмуаси барпо қилишга рухсат берди. Мажмуа масжид, йиғилишлар зали, меҳмонхона, кутубхона ва спорт майдонини ўз ичига олади.

## МАДИНАИ МУНАВВАРА – ИСЛОМ МАДАНИЯТИ ПОЙТАХТИ



Мадинаи муаввара шахри 2013 йилнинг “Ислом маданияти пойтахти” деб эълон қилинди. Шу муносабат билан Мадинаи муаввара амири Абдулазиз ибн Мажид йил давомида шаҳар бўйлаб турли анжуманлар, тантаналар, музокаралар ва мусобақалар ўтказилишини маълум қилди. Шунингдек, Пайғамбаримиз Муҳаммад (Узбек Алоҳининг  
салоти ва саломи  
будини) масжидларини кенгайтириш ва таъмирлаш ишлари ҳам ниҳоясига етказилади. “Ислом маданияти пойтахти”га бағишиланган барча тадбирларни кўнгилдагидек ўтказиш учун шаҳарнинг ҳар бир фуқароси ўз хиссасини қўшишга астойдил бел боғлаган. Тадбирларнинг намунали ўтказилишида оммавий ахборот воситалари, ижтимоий сайлар ва реклама ширкатларининг аҳамияти катта экани қайд этилди.

## САЙЁХЛАР ОРТМОҚДА



Японияга мусулмон мамлакатларидан ташриф буюраётгандан сайёхлар сони тобора ортиб бормоқда. Шу боис уларга қулай шароит яратиш учун мамлакатнинг етакчи сайёхлик ширкатлари астойдил киришишган. Жумладан, бу соҳада катта тажрибага эга “Miyako International Tourist” ширкати олтита беш юлдузли меҳмонхонани мусулмонларга хос равишида жиҳозлаб чиқди. Бундан ташқари саккизта ресторон сайёхларнинг таъби ва эътиқодидан келиб чиқсан ҳолда фаолият кўрсатмоқда. Ҳозир Японияга сайёҳат қилувчи мижозларнинг кўпини Малайзия, Индонезия ва араб мамлакатларидан келаётган мусулмонлар ташкил қиласиди.

## БАНКДАН ЁРДАМ



Ислом Тараққиёт Банки президенти доктор Аҳмад Мухаммад Али Миср Араб Республикаси раҳбарияти билан шартнома имзолади. Битим бўйича банк мамлакатда бир қатор ишларни амалга ошириш учун уч юз саксон саккиз миллион доллар миқдорида маблағ ажратади. Ушбу маблағ мамлакат жанубида йирик электростанция қуриш, машҳур Азҳар университети қошида шифохона қуриш, таълим, катта ва кичик бизнесни кўллаб-куватлаш ҳамда қишлоқ хўжалигини ривожлантиришга сарфланади.

*Интернет материаллари асосида  
Азизхон ҲАҚИМОВ  
тайёрлади.*

## АЁЛИНГИЗДАН РАНЖИМАНГ...

Чойингиз ёки қаҳвангиздан татиб кўраверадими? Ранжиманг, бу иши сизга ҳамма нарсанинг энг яхшисини илинганидан.

Болаларингиз билан бирга ўйнашингизни сўрайверадими? Малолланманг, бу иши унинг фарзандлар фақат “ўзиники” бўлиб қолишини хоҳламаганидан.

Феълида сизга ёқмайдиган жиҳатлар борми? Норози бўлманг, сизда ҳам унга ёқмаган жиҳатлар йўқ эмас.

Яхши пазанда эмасми? Ишонинг, бу камчилигини тўғрилашга харакат қиласиди.

Фарзандларнинг уй ишларига ёрдам беришингизни талаб қилаверадими? Аччиқланманг, бу – оиласдаги асосий одам сиз эканингизни болаларга уқтиришни хоҳлаганидан.

Ўзи ҳақидаги фикрларингизни сўрайверса, жавоб беришдан эринманг. Бу – сизнинг фикрингиз у учун жудаям аҳамиятли бўлганидан.

Ойна олдида кўп ўтирадими? Ғашингиз келмасин, бу иши сизга янада чиройли кўринишни истаганидан.

Ёмон одатлари кўпайиб бораётгандек туюляптими? Хавотирга тушманг, оқиллик ва мулоимлик билан уларни бартараф эта оласиз.

Ўзи билмаса ҳам, уловни қандай бошқаришдан гапирадими? Силтаб ташламанг, бу иши сиздан доим хавотир олишидан.

Айрим масалаларда тортишса, ғазаб отига минманг. Бу – икковингиз учун ҳам яхши бўлишини хоҳлаганидан.

Зоро, аёлингиз сиздан Расулуллоҳ ( Узбек Алоҳининг слоти ва саломи бўлсин ) тавсия қилганларидек муносабат кутади: “Сизларнинг энг яхшиларингиз ахли аёлига яхши муносабатда бўлувчиларингиздир” (Термизий ривояти).

*Шоҳсанам ИДРИСАЛИ қизи  
тайёрлади.*



Қарз бериш мўмин-мусулмонларнинг гўзал фазилатларидан биридир. Чунки одатда киши муҳтожлигидан, иложсизлигидан қарз олишга мажбур бўлади. Шунинг учун қарз беришнинг савоби садақа бериш савобидан ортиқдир.

## ҚАРЗИНИ УЗМАГАН ЗАРАР КЎРАДИ

Ином Табароний ривоят қиласи:  
«Расулуллоҳ (у зотга Аллоҳининг салоти ва саломи бўлсин): “Жаннатга кирдим ва унинг эшигига: “Садақа ўн баробар, қарз эса ўн саккиз баробар савоб билан мукофотланади”, деган ёзувни кўрдим. Шунда: “Эй Жаброил, қандай қилиб садақа ўн, қарз ўн саккиз баробар бўлади?” деб сўрадим. У: “Чунки садақа бойнинг ҳам, фақирнинг ҳам қўлига тушаверади. Қарз эса, фақат муҳтож бўлган одамнинг қўлига тушади”, деди».

Афсус, кўп одамлар яхши ният билан қарз бериб, куйиб қолишади. Қарз олиб, еб кетишига ҳаракат қилганлар ёки қарз олганидан тоғиб турганлар ўзларига зулм қиласи.

Мусулмончиликда бировга қарз берган киши унинг устига фоиз, яъни устама олмайди. Қарз бериб устама олган киши қарз бергани учун эришадиган улуғ савобдан маҳрум бўлиши билан бирга катта гуноҳга ҳам ботади. Зоро, унинг бу қилган иши судхўрлик бўлади. Аллоҳ таоло бундай хабар беради: **“Рибони ейдиганлар (қабрларидан) шайтон уриб жинни бўлган кишидек довдираб турадилар”** (Бақара, 275). Афсус, орамизда қиёмат кунида бутун ҳалойик олдида шармандаю шармисор бўлишини ўйламайдиган судхўрлар учраб туради. Аллоҳ барча мўминларни бундай ҳолатдан паноҳида асрасин.

Киши иложи борича қарз олишдан сакланалиши керак. Зоро, Расулуллоҳ (у зотга Аллоҳининг салоти ва саломи бўлсин) қарздор бўлиб қолишдан қўрқиб: “Ё Аллоҳ! Мен оғир қарздорликдан, устимдан душманнинг ғалаба қилишидан ва ғанимларнинг кулишидан Сендан паноҳ тилайман”, деб дуо қилар эдилар (Ином Насоий ва Ҳоким ривояти).

Ином Бухорий Абу Хурайрадан (Аллоҳ ундан рози бўлсин): “Ким одамларнинг молини қарзга олиб, уни адо этишни,

яъни қайтаришни ўйласа, Аллоҳ унга қарзини адо этиш йўлларини осон қилиб қўяди ва ким одамларнинг молини қарзга олиб, уни талафотга учратишни, яъни бермасликни ўйласа, Аллоҳ унинг молига талафот етказади”, деганлар.

Қарз олиб, одамларни алдаб кетадиган кишилар ўзларича зўр иш қилгандай бўлишади ёки “Бопладим, уч-тўрт кун яхши яшаганим ғанимат”, деб ўйлашади. Аммо улар Аллоҳнинг ғазабига учраб, турли балоларга гирифтор бўлишларини билмайди. Улар бу қилмишлари билан дунёда хору зор бўлиб, охиратда аламли азобга йўлиқади.

Абдуллоҳ ибн Амр (Аллоҳ ундан рози бўлсин) айтади: «Расулуллоҳ (у зотга Аллоҳининг салоти ва саломи бўлсин): “Шахиднинг қарздан бошқа ҳамма гуноҳлари кечирилади”, деганлар» (Ином Муслим ривояти).

Модомики, бировнинг ҳақи шахиддан ҳам кечирилмас экан, бошқа инсонлардан асло кечирилмайди. Шунинг учун ҳам марҳумнинг жанозаси ўқилаётган пайтда унинг яқинларидан: “Марҳумнинг елкасида қарзи бўлса уни ким тўлайди? Ким адо қилишни ўз зиммасига олади?” деб сўралади. Қиёмат куни Аллоҳ адолат билан қарз берганинг ҳақини қарздордан олиб беради. Шунинг учун ҳам қиёмат қарз дейилади. У дунёда қарзни узмоқчи бўлгани билан пули бўлмайди. Шунинг учун қарз бергана қарздорнинг савобидан олиб берилади.

Будунёни қайтар дунё дейдилар. Ҳар ким экканини олади. Шундай экан, бировларнинг ҳақини еб, зулм қилмайлик, Аллоҳдан қўрқайлик.

Беш кунлик ўтар дунё учун бир-биримизни алдашдан, мунофиқликдан ҳазар қилайлик. Шунда ҳаётимиз ҳам, охиратимиз ҳам обод бўлади.

**Аҳмаджон БОБОМУРОД,**  
Тошкент Ислом институти ўқитувчisi

# Тўғрилик ва ҳаё бўлсин шиоринг...

**Отабек БОҚОНИЙ**

**ОНАЖОНЛАР**

Бир парча эт ҳолингда вужудида сақлаган,  
Соғ-саломат дунёга келишингни хоҳлаган.  
Ўлим билан олишиб, ўз бурчини оқлаган  
Фарзанд учун жонини фидо қилган оналар,  
Туну кун ҳаққимизга дуо қилган оналар.

Алла айтиб тонггача тунни кунга боғларди,  
Эртак сўйлаб, эркалаб, кўнгилларни чоғларди,  
Бемор бўлсанг, оҳ чекиб, юрак бағрин доғларди,  
Фарзанд учун жонини фидо қилган оналар,  
Туну кун ҳаққимизга дуо қилган оналар.

Ўғли куёв бўлганда келин суюб дур топган,  
Қизи келин бўлганда куёвига тўн ёпган,  
Набиралар кўрганда қувониб ҳар ён чопган  
Фарзанд учун жонини фидо қилган оналар,  
Туну кун ҳаққимизга дуо қилган оналар.

Поёндоз бўл, эй фарзанд, онажонинг пойига,  
Хизмат қилиб, эъзозлаб, хурматин қўй жойига,  
Ҳеч бўлмаса бир бора хабар олгин ойига,  
Фарзанд учун жонини фидо қилган оналар,  
Туну кун ҳаққимизга дуо қилган оналар.

Аччиқ ёшлар оқмасин, ҳеч бир она кўзидан,  
Рози ўлсин бир умр, берган нону тузидан,  
Кўриб фарзанд камолин, нур таралсин юзидан,  
Фарзанд учун жонини фидо қилган оналар,  
Туну кун ҳаққимизга дуо қилган оналар.

## УЙИНГ ТИНЧ-ОБОД БЎЛСА

Букилмайди қоматинг,  
Уйинг тинч-обод бўлса.  
Доим келар омадинг  
Уйинг тинч-обод бўлса.

Мехрибондир аёлинг,  
Сўзлари асал-болинг,  
Ўзгадамас хаёлинг  
Уйинг тинч-обод бўлса.

Меҳмонларинг кўп бўлар,  
Дўстларинг тўп-тўп бўлар,

Душманларинг чўп бўлар  
Уйинг тинч-обод бўлса.

Ҳеч ким сендан наrimas,  
Қариндошлар аrimas,  
Ота-онанг қarimas  
Уйинг тинч-обод бўлса.

Фарзандларинг хотиржам,  
Қалбида йўқ қайғу ғам,  
Хизматингдадир ҳар дам  
Уйинг тинч-обод бўлса.

Маҳаллангда ўрнинг бор,  
Ҳамма сендан миннатдор,  
Бахту иқбол бўлар ёр  
Уйинг тинч-обод бўлса.

Иштихон

## Ойгул СУЮНДИҚОВА

\*\*\*

Осмон косасидан тўлдириб бода,  
Кўнгиллар ҳолидан хабар ол, ёмғир.  
Тўкилиб-тўкилмай турган афтода,  
Сен – осмоннинг боли, энг тотли шивир.

Шамол, булутларни силкиб, мени кут  
Отамнинг, онамнинг қабри бошида.  
Дараҳт баргларини силаб-сийпаб ўт,  
Мен ҳам йўлга тушдим, осмон – қошимда...

Гарди ювилади азобларимнинг  
Кўзимдан қуйилар тилдан қолган ёш.  
Дунё тополмадим онамдан ҳам кенг,  
Ота деган сўздан кучлироқ бардош...



## ОНАМНИ ЭСЛАВ

Хаёлимни қайтиб бер, осмон,  
Қайтариб бер болалигимни...  
Мен йиглаб чопайин онам ортидан  
Йўқотиб қўйдим деб жамалагимни,  
Хаёлимни қайтиб бер, осмон!..

Оёқяланг, бошяланг елдай  
Эркаланиб гулбаҳорларда  
Топиб олай жамалагимни  
Шудринг ювган майсазорларда.  
Оёқяланг, бошяланг елдай...

Шунда онам ёнимга келиб,  
Силаб қўйсин азиз бошимни.  
Артиб қўйсин киприкларимдан  
Оқаётган тиниқ ёшимни,  
Силаб қўйсин азиз бошимни...

Ой чиққунча сўйласин онам  
Қайтариб бер эртакларимни.  
Соғинчларим тўкилаётган  
Шамолларнинг эртакларини,  
Қайтариб бер эртакларимни...

Кўз ўнгимда толлар учидан  
Учиди кетди бир гала қушлар.  
Айрмоқчи бўлиб хушимдан  
Алдамаса эди бу тушлар –  
Учиди кетди бир гала қушлар...

\* \* \*

Олислардан келар аzon товуши,  
Тун пардасин синдиради тонг нури.  
Кўз юммай ухлаган қушларнинг туши  
Каби қалқиб кетар кўзимнинг қири.

Умрим менинг – очиқ китоб – ер каби...  
Шудгорланган кузги дала – бағримда.  
Ёрилиб кетса-да баргларнинг лаби  
Яна ўзин ураг шамол бағрига.

Тақдир ҳар юракка йўл солар танлаб,  
Сочимда хидлари кузги ҳавонинг.  
Боғимга гўёки кўқдан азонлаб  
Нури ёғилиби Момо Ҳаввонинг!..

Тун пардасин кўтаради тонг нури,  
Қулоқ тутдим, жим тингладим азонни.  
Йўлларда, ҳовли юзи, боғ тўри  
Хазонларни супураман, хазонни...

Қибрай тумани



## Султон ЭРГАШ

### ТЎРТЛИКЛАР

\* \* \*

Отангга, онангга бошингни хам қил,  
Гап қайтарма, болам, оғзингни дам қил.  
Ўгитин ол улар ҳаётлигига,  
Сўнг бефойда гарчи кўзингни нам қил.

\* \* \*

Касалнинг уруғи жонда асабдир,  
Асабнинг онаси жаҳл, ғазабдир.  
Икки мингашиб, от сурса агар,  
Бечора инсонга буткул азобдир.

\* \* \*

Тўйиб-тўйиб сувлар ичдим булоқларингдан,  
Нур эмдим қуёшдек қароқларингдан.  
Ўргилай, онамдек она Ватаним,  
Бошимни силаган бармоқларингдан!

\* \* \*

Кун ва тун бир дунё дунё ичида,  
Сирлар кўп уммону дарё ичида.  
Шу дунё ичра мен нималар қилдим,  
Имоним покмикин ҳаё ичида?

\* \* \*

Соатнинг “чиқ-чиқ”и кунга айланар,  
Кун тўпи йиғилиб, ойга айланар.  
Кам ухлаб, умрингда нималар кўрсанг,  
Хирмондек уйилиб, йилга айланар.

Учтепа

## Салим РИХСИЕВ

### ТИЛАГИМ

Кўнглини тоатга боғлаган инсон  
Доимо пок юрсам, пок турсам дейди.  
Кўлидан келганча ахтариб имкон  
Бир улуғ сафарнинг ғамини ейди.

Мўминсан, етмасин элга озоринг,  
Рахмат ёғилади ўнгу сўлингдан.  
Тўғрилик ва ҳаё бўлсин шиоринг,  
Сабр-қаноатни берма қўлингдан...

Тошкент


Пайғамбаримиз (у зотга Аллоҳининг  
салоти ва саломи  
бўлсин) ҳазрат Алидан (Аллоҳ  
ундан рози  
бўлсин) сўрадилар:

- Эй Али, мени яхши кўрасанми?
- Ҳа, яхши кўраман, Расулуллоҳ!
- Аллоҳни-чи?
- Албатта!
- Аёлингни-чи?
- Яхши кўраман!
- Болаларингни-чи?
- Уларниям!

Пайғамбаримиз (у зотга Аллоҳининг  
салоти ва саломи  
бўлсин) табассум билан ҳазрат Алига (Аллоҳ  
ундан рози  
бўлсин) қараб, бундай дедилар:

– Эй Али, биргина қалбинг бўлса, шунча севгини битта қалбга қандай қилиб сиғдира оласан?

Ҳазрат Али (Аллоҳ  
ундан рози  
бўлсин) Расулуллоҳнинг (у зотга Аллоҳининг  
салоти ва саломи  
бўлсин) саволлари қаршисида жим қолдилар...



## НУБУВВАТ ДАРАХТИНИНГ МЕВАСИ

Унинг ўйчан ҳолда кириб келганини кўрган ҳазрат Фотима (Аллоҳ  
ундан рози  
бўлсин) сўрадилар:

– Нимадан хафасиз? Агар дунё учун бўлса, сикилишишингизга арзимайди. Борди-ю Аллоҳ учун бўлса, айтинг, биргаликда ҳал қиласиз. Сизга ёрдам бераман.

Ҳазрат Али (Аллоҳ  
ундан рози  
бўлсин) бўлиб ўтган воқеани сўзлаб бердилар.

Ҳазрат Фотима (Аллоҳ  
ундан рози  
бўлсин) тинглаб туриб, табассум қилдилар ва:

– Киши пайғамбарини қалби билан, Аллоҳни ақли билан, жуфти ҳалолини нафси билан, болаларини эса шафқати билан яхши кўради, – дедилар.

Дарҳол ҳазрат Али (Аллоҳ  
ундан рози  
бўлсин) Расулуллоҳнинг (у зотга Аллоҳининг  
салоти ва саломи  
бўлсин) хузурларига бориб, аёллари Фотимадан (Аллоҳ  
ундан рози  
бўлсин) эшиятган жавобни етказдилар. Аллоҳнинг элчиси (у зотга Аллоҳининг  
салоти ва саломи  
бўлсин) Фотиманинг (Аллоҳ  
ундан рози  
бўлсин) зукколикларидан мамнун бўлдилар ва:

– Эй Али, бу нубувват дарахтининг мева-сидир, – дедилар.

### КАЛИТ ЭГАСИ

Маккаи мукаррама фатҳ қилингач, Пайғамбаримиз (у зотга Аллоҳининг  
салоти ва саломи  
бўлсин) Каъбага киришини хоҳладилар. Ҳалигача калит исломни қабул қилмаган Усмон ибн Талҳада эди. Расулуллоҳ (у зотга Аллоҳининг  
салоти ва саломи  
бўлсин) ҳазрат Алини (Аллоҳ  
ундан рози  
бўлсин) калитни олиб келиш учун юбордилар.

Усмон ибн Талҳа:

– Мен Мухаммаднинг ҳақиқий пайғамбар эканига ишонмайман. Қандай қилиб Каъбанинг калитини унга топширишим мумкин? Бу калит менга боболаримдан қолган, – деди.

Ҳазрат Али (Аллоҳ  
ундан рози  
бўлсин) Расулуллоҳнинг (у зотга Аллоҳининг  
салоти ва саломи  
бўлсин) буйруқларини бажариш учун Абу Талҳанинг қўлини қайириб, калитни зўрлик билан ол-

ди ва Набийга (<sup>у зотга Аллоҳнинг</sup>  
<sup>салоти ва саломи</sup>  
<sup>бўлсин</sup>) келтириб берди.

Пайғамбаримиз (<sup>у зотга Аллоҳнинг</sup>  
<sup>салоти ва саломи</sup>  
<sup>бўлсин</sup>) ҳамда сахобалар Каъба ичкарисига кириб, бутлардан тозаладилар. Сўнг икки ракат шукр намози ўқидилар. Бу пайтда ҳазрат Аббос (<sup>Аллоҳ</sup>  
<sup>учдан роғи</sup>  
<sup>бўлсан</sup>) Каъбатуллоҳ калитини унга беришларини Пайғамбаримиздан (<sup>у зотга Аллоҳнинг</sup>  
<sup>салоти ва саломи</sup>  
<sup>бўлсин</sup>) сўраган эди.

Шу вақтда “Омонатни ўз эгалариға топширинг...” (*Niso*, 58) ояти каримаси тушди. Расули Акрам (<sup>у зотга Аллоҳнинг</sup>  
<sup>салоти ва саломи</sup>  
<sup>бўлсан</sup>) дарҳол калитни яна ҳазрат Али (<sup>Аллоҳ</sup>  
<sup>учдан роғи</sup>  
<sup>бўлсан</sup>) орқали эски эгаси Усмон ибн Талҳага қайтариб юбордилар. Ҳайрон қолган Талҳа:

– Эй Али, салгина олдин калитни қўлимдан зўрлик билан олган эдинг. Энди эса қайтариб келибсан. Нега? – деда сўради.

Ҳазрат Али (<sup>Аллоҳ</sup>  
<sup>учдан роғи</sup>  
<sup>бўлсан</sup>):

– Бу хусусда оят тушди, – деди-да, омонат ҳақидаги оятни тўлиқ ўқиб берди.

То шу кунга қадар имон неъмати насиб бўлмаган Усмон ибн Талҳани титроқ босди ва:

– Динингиз омонатга шунчалик ахамият бергани мени ҳайратга солди, – деда Расууллоҳнинг (<sup>у зотга Аллоҳнинг</sup>  
<sup>салоти ва саломи</sup>  
<sup>бўлсан</sup>) хузурларига олиб боришини сўради.

Ҳазрат Али (<sup>Аллоҳ</sup>  
<sup>учдан роғи</sup>  
<sup>бўлсан</sup>) билан Хузури Саодатга келдилар. У ерда Усмон ибн Талҳа (<sup>Аллоҳ</sup>  
<sup>учдан роғи</sup>  
<sup>бўлсан</sup>) шаҳодат келтириб, мусулмонлик шарафига мұяссар бўлди.

**Гулбаҳор АБДУЛЛОҲ**  
тайёрлади

## МАРВ ФАҚИҲЛАРИ

### АБДУЛЛОҲ ИБН МУБОРАК

Ибн Муборак Абу Абдурраҳмон Марвазийнинг (737–798) асл ватани Марв шаҳри бўлиб, Лакнавий таъкидлашича, онаси хоразмлиқ ва отаси туркийлардан бўлган.

“Ал-Жавоҳирул-музия” китобида ёзилишича, Ибн Муборакнинг бир гуруҳ сухбатдошлари йигилишиб илм, фикҳ, адаб, нахв (араб тили грамматикаси), лугат, шеър, зуҳд, фасоҳат, тақво ва бошқа бир қатор илму фазилатларни ўзида тўплаш, унинг олий фазилати деб фикр билдирган эканлар.

Ибн Муборак кўп китоблар муаллифи эди. Тарих китобларида у кишининг «Китоб ас-Сунан фил-фикҳ», «Китоб ат-тафсир», «Китоб ат-тариҳ», «Китоб ал-бирр васила», «Китоб аз-зуҳд вар-рақоиқ», «Китоб ал-истеъзон», «Китоб ал-жиход», «Китоб ал-маносик» китобларни таълиф қиласланлари зикр этилган.

Ибн Муборак Имоми Аъзам Абу Ҳанифанинг энг саиммий дўсти ва шогирди сифатида унинг ишончига сазовор бўлиб келган ва ҳар жойда унинг ҳомийси бўлган. Масалан, Абдурраҳмон Авзойга уни танитган, раъи ва қиёс бўйича унинг қарашлари ва чиқарган хulosалари тўғрилигини кўрсатиб бериб, уларни бир-бирига яқинлаштириб, учрашувларини таъминлаган.

Ибн Муборак ҳақида жуда кўп манбаларда, жумладан, «Миръотул-жинон», «Вафаётул-аъён» ва бошқа китобларда муфассал маълумотлар берилган.

### АБУ МАРЯМ МАРВАЗИЙ

Абу Исма Нуҳ ибн Марям Язид ибн Жауна Марвазий машҳур ҳанафий олимларидан эди. Ибн Қутлубғо ёзишича, у биринчи бўлиб Абу Ҳанифа фикҳини тўплагани учун «ал-Жомеъ» (Тўпловчи) лақаби билан аталган. Баъзилар фикрича, унинг бу лақабни олишига сабаб барча илмларни жамлагани бўлган. Унинг тўрт хил мажлиси бўлган, бир мажлис асарлар (ҳадислар) учун, бир мажлис нахв (грамматика) учун, бир мажлис шеърият учун бўлиб ўтар экан.

### АБУ МАРЯМ ЗУҲРИЙ

Муқотил ибн Ҳайёндан ривоят қиласлан. У Абу Жаъфар Мансур Аббосий даврида Марв шаҳри қозиси бўлган ва 173/790 йили вафот этган.

**Шайх Абдулазиз МАНСУР**

Шукрулло (Юсупов) 1921 йил 2 сентябрда Тошкент шаҳрининг Шайхонтоҳур даҳасида туғилган. Ўзбекистон халқ шоири, хизмат кўрсатган маданият ходими, Алишер Навоий номидаги Ўзбекистон Республикаси Давлат мукофоти лауреати, «Дўстлик» ва «Эл-юрт ҳурмати» кўкрак нишони билан мукофотланган.

## ХАЛҚ ДАРДИНИ ЖОЙЛАДИМ ДИЛГА...

Отам илмли, қори, онам отинойи эдилар. Уйимиздан меҳмон узилмасди. Ўша вақтлардаги Тошкентнинг машҳур қорилари, имом-домлалари бизникида йигиларди. Онам раҳматли кўп шеър, ғазал билардилар. Хонадонимиздаги газалхонлик, маърифий сұхбатлар таъсирдан адабиётга меҳрим тушган. Бир сўз билан айтсан, адабиёт менинг қисматимга айланишига ота-онам сабабчи бўлишган.

Ижодкорга истеъдодни Аллоҳ юқтиради. Уни ривожлантириш учун ўқиши керак. Ўқиш, ўрганиш, илм олиш инсоннинг юрагига сайқал беради. Маънавий-руҳий дунёсини гўзаллаштиради. Инсонга шон-шуҳрат келтиради. Илмсизлик, лоқайдлик жаҳолатдир. У инсон ҳаётини барбод этади.

Илмни дунёвий ва диний турларга ажратиш инсон маънавиятининг емирилишига олиб келади. Бу фикр исботи учун узоқ ва яқин ўтмишимизда мисоллар жуда кўп. Машҳур асарлари билан жаҳон илмфани ва маданиятига улкан ҳисса қўшган уламолар номини санаб, фахрланиб юрамиз: Имом Бухорий, Беруний, Хоразмий, Мирзо Улугбек... Ажойиб асарлари Farb уйғониши учун асос

бўлган бу улуғ аждодларимиз, гарчи кечаги жамият уларнинг диний илмда ҳам етук бўлганини яширган эса-да, улар энг олдин, Ислом оламининг ардоқли олимлари, том маънодаги илм эгалари эканини бугун ҳамма билади.

Энди ўзингиз, исломий асосдан узилган кечаги жамиятнинг кирдикорлари ни қўз олдингизга келтиринг. Ўша жамият раҳбарлари адабиётни ҳам диндан айро қилишга уринишиди. Ёзувчининг ёзгани унинг виждани бўлиши керак, эртага уни уялтириб қўймасин. Даврлар шиддати унга таъсир этмасин.

Советлар адабиётни ўз мафкуралари га хизмат қилишга ундаши. У пайтлар-



да ёзилган кўп асарларимиз қаҳрамони совет мафкурасининг ижочиси эди. Қатағон авж олган, умуман одамнинг, жумладан, ижодкор шахсига ҳам сариқ чақалик қиймат берилмаган пайтда – неча миллионлаб одам руҳан синдирилган, ялангоч шиорларни қофияга солиш, сохта туйғуларни куйлаш санъат саналган даврда шаклланган бутун бир авлод шундай ёзишга маҳқум этилган эди. Бадиий асарлардан ҳеч ким ҳеч қандай иккинчи маъно тополмайдиган бўлиши керак эди. Сўзининг салгина бошқача тушунилишига йўл қўйган қанчадан-қанча ижодкорлар “халқ душмани” сифатида йўқ қилинганини кўрган ёзувчи, шоирлар жўн ёзишга мажбур эди.

Мақтаниб нима қиласман, менда ҳам ўткинчи шеърлар бўлган. Аммо ҳар қачон қўлимга қалам олганимда кўпроқ эзгу ниятларни ўйлашга ҳаракат қилдим. Инсоннинг дарди, ўй-хаёллари, орзулари ҳақида ёзишга интилдим. Шундай қилмаганимда, қирқинчи йилда ёзган асарим, балки бугун яна чоп этилмас эди.

Талабалик йилларим эди. Бир куни ён дафтаримни йўқотиб қўйдим.

Қидираман ҳеч жойдан топилмайди. Кейин дабдурустдан мени қамоқقا олишди. Сўроқ пайтида терговчи ўша ён дафтаримдаги тўрт қатор шеърни ўқиб берди.

*Вужудимни тилиб, тилка-тилка айла,  
Виждонимни сотмайман.  
Халқ дардини жойладим дилга,  
Ўлимдир, ўлимдан ҳам қайтмайман.*

Кейин гап нимада эканини тушуниб етдим. Ўша пайтда бундай сўзларни айтиш ўлим билан олишишдек гап эди. Кейин мени сўроққа чақиришди. “Ҳали, ҳалқ дардини дилга жойлаган сенмисан?! Совет гражданларининг дарди нима экан?! Ўлимдан ҳам қайтмайдиган сенми?!” дея сўроқ қилишганида ҳам, шеъримдан тон-

маганман, мен шоирман, ҳалқ дарди билан яшайман, деганман. “Ҳалқ душмани” тамғаси билан қамалдим. Мана, бугун юзим ёруг, чунки ҳалқимга хиёнат қилмадим. Ён дафтаримда бундай шеърлар кўп эди.

*Тангрим Ўзинг, Ўзинг ярлақа,  
Ўзингдан ҳеч ўзга мадад йўқ,  
На дўстим бор, на дард тингловчим  
Ўзингдан ҳеч ўзгага ҳад йўқ.*

Худосизликка даъват авж олиб турган вақтда бу сўзларни айтиш осон эмасди.

Бир донишмандайтган экан: “Узоқ яшаган инсон ҳаётдан кўп нарса топади, шу билан бирга, кўп яқинларини йўқотади”. Адабиётда, атрофимда бутун бир авлод янгиланиб боряпти, десам, муболаға бўлмайди.

Одам кўп кўриб, кўп ўргангани сари кам билишини англаб боравераркан. Ўтган асрнинг 50–60-йилларида шеърларимда ўқувчиларга қандай яшаш ва ҳаётни қай тарзда йўлга қўйишни ўргатишга уринган бўлсан, ҳозирги шеърларимда тирикликтининг барча паст-баландини кўрган шоир сифатида бирорвга йўл кўрсатиш эмас, ўзимни тафтиш қилишга, кўнгил оламимни қадам-бақадам текширишга уриняпман.

Бугун эркимиз қўлимизда, ҳеч ким олдингидек қисти-қафасга олмайди. Аммо ҳозирги адилларимиз бу эркинликларга яраша ижод қила оляптиларми? Шу савол менга тинчлик бермайди.

“Ҳидоят” журналига келсак, имкон борича уни кузатиб бораман. Журналда турили мавзуларда, диний, маърифий, илмий-адабий ихчам мақолалар берилиши менга маъқул. Мен “Ҳидоят”ни барча зиёлилар ҳам ўқишини истардим.

**Сиддиқ РАҲМАТОВ**  
*сұхбатлашади.*

# Таъмирига қўлимииз теккан

Наққош-ганчкор Икромжон Турсунов билан сұхбат

Бу одам билан “Ҳазрати имом” мажмуасида танишиб қолдим. “Бароқхон” мадрасаси пештоқидаги нақшларни томоша қиласарди.

– Ассалому алайкум! Ака, меҳмонмисиз, – дея, сўрадим мен.

– Ва алайкум ассалом! Ҳа, Ҳўқанди латифданман. Узоқ вақт битта нарсага қараб қолганимга ҳайрон бўлдингиз, чоғи. Ўзим наққош-ганчорман. Бу жойлар менга кўп нарсаларни эслатади. Бир вақтлар устозим билан “Бароқхон” мадрасасини, Қаффол Шоший мақбарасини таъмирлаганмиз. Устозим машҳур халқ устаси Йўлдошхон Ўринов эди. У кишининг оталари уста Ўринбой Ўринов ҳам машҳур уста бўлганлар. Ўша вақтларда Ўринбой уста Тошкентга келиб Навоий театрига нақш чизадилар. Бежирим, гўзал нақшларининг довруғи Зиёвуддин қори аканинг қулогига етади. Шунда у киши атай Қўқонга бориб, устадан “Бароқхон” мадрасасини таъмирлаб беришини сўрайди. Ўринбой уста Тошкентга ўғли Йўлдошхон акани юборади. Шу баҳона мен ҳам Зиёвуддин қори акани учратиш, сұхбатлашиш бахтига эришганман. У киши жуда таъби нозик, синчков инсон эдилар. Ҳали мен у кишидек зиёли, ҳалим инсонни кўрмадим.

Буни қаранг, орадан шунча вақт ўтибди. Нақшларнинг ранги худди кечагидек сақланиб қолган.

– Ота-боболаримиз соглан нақшларни томоша қилиб, сира зерикмайсиз. Умуман тарихий биноларимизда нимадир бор. Одам уни тасвиirlab беролмайди. Айниқса, сиз усталар буни яхшироқ биласиз. “Бароқхон” мадрасаси пештоқига термиллиб туришингиздан ҳам буни сезса бўлади. Бу нақшлардан сиз биз кўролмаган нарсаларни ҳам илғайсиз. Шундай эмасми?

– Албатта, усталар юрак кўрини бериб ишлашган бу биноларда кўп ҳикматлар яширган. Бир куни Самарқандда “Ситораи Моҳи Хосса” зиёратгоҳида айланиб юриб, вақт ўтганини сезмай қолибман. Оз эмас, кўп эмас, ўзиям саккиз соат ўтиб кетибди. Кун ботибди. Мажмуа ёпилади, деб мени

чиқарип юборишиди. Ўшанда тепага қарайвериб бўйним оғриб қолган.

Доим касбимда янгилик қилишга интилдим. Ганчга нақшни уйғунлаштириб, ажиб манзаралар ҳосил қилдим. Самарқандда 105 пештоқни суратга олиб, уларни бир-бирига солиширдим. Мени ҳайрон қолдиргани, улар бир-бирига сира ўхшамайди. Қўқонда, Худоёрхон ўрдасини таъмирлашда саккиз йил қатнашдим. У ердаги хоналар безагидан ҳар куни бир ҳайратланардим.

Юртимизга келган сайдёхларни кузатганмисиз? Ривожланган давлатлардан келган саёҳатчилар қадимий биноларимизни оғзи очилиб томоша қилади. Чунки миллатнинг ҳақиқий қиёфаси ана шу биноларда акс этган. Сайдёхлар ўзларидаги осмонўпар бинолардан



аллақачон зерикишган. Уларда ҳамма ёқ бир хил бўлиб қолган. У юртлардаги одамлар кўхна обидаларни соғинади, бир кўриш учун дунё кезади.

Ха, ота-боболаримиз меъморлик борасида дунёни лол қолдирган. Масалан, тилимизда “тазар” деган сўз бор, бу ҳозирги биз билган “канализация”. Яна у пайтларда ҳаммомлар битта шам билан иситилган. Бундай иншоотларнинг лойиҳалари сири ҳали ҳам топилмаган. Майли, қўлдан кетгани, кетди. Энди биз қолган тарихий биноларимизни кўз қорачигидай авайлаб, асраршимиз керак.

Болаликдан шу касбга меҳрим тушган. Мана, шу касб билан сочим оқарди. Ҳали-ҳали эсимда, 15 ёшлиларда эдим. Мактабимиз яқинидаги масжид пештоқидаги нақшларни бир уста таъмирлай бошлади. Танаффус бўлди дегунча унинг ёнига чопаман. Ишларини синчковлик билан кузатаман. Бир куни уста қўлидаги мўйқаламни менга тутқазди. Бир муддат ўзимни йўқотиб қўйдим. Кейин секин унинг ишини давом эттиридим. Қийналмадим. Чунки қарайвериб кўзим пишиб қолганини уста аллақачон сезган экан. Ҳаммаси шундан бошланди. Ўша уста тутган мўйқалам қўлимда.

**Муҳаммад СИДДИҚ**

## Қабр зиёрати

Қабр зиёрати кўнгилга таскин беради, ўлимни, охиратни эслатади ҳамда қалбаги кибрни кетказади. Ўликлар тирикларнинг Қуръон тиловати, дува садақалари савобларидан баҳраманд бўлади.

Қабрни зиёрат қилишнинг ўзига хос одоблари бор. Ҳар бир мусулмон уларни яхши билиши керак. Қабристонга кираётганда у ерда ётганларга салом берилади. Расулуллоҳ (у зотга Аллоҳининг салоти ва саломи бўлсин) қабристонга кираётганда бундай деганлар: “Ассалому алайкум, мўмин ва мусулмонлар диёри аҳли! Аллоҳ таоло бизлардан ўтганларни ҳам, яшаётганларни ҳам раҳматига олсин. Иншааллоҳ, бизлар сизларга қўшиламиз” (*Имом Муслим*).

Қабристон худудида сокин юрилади. Дунё ташвишлари унтилиб, охират ҳақида фикр юритилади. Баланд овозда сўзлашилмайди. Зарур сўзлар одоб билан айтилади.

Қабрга ўликнинг оёқ томонидан келиниб, қиблага юзланиб ўтирилади. Қабр устига ўтириш, босиш ёки суюниш мумкин эмас. Пайғамбаримиз (у зотга Аллоҳининг салоти ва саломи бўлсин) бундай марҳамат қилганлар: “Сизлардан бирингиз чўқقا ўтириб, кийими куйиб терисига ўтиши қабр устига ўтирганидан яхшидир” (*Имом Муслим*).

Қабрда ётганлардан ёрдам сўралмайди. Зеро, улар ўзлари дуога муҳтоҷ. Расулуллоҳ (у зотга Аллоҳининг салоти ва саломи бўлсин) бундай деганлар: “Сўрасанг, Аллоҳдан сўра, ёрдам тиласонг, Аллоҳдан тила” (*Имом Термизий*).

Қабристонда кулиш ва ўйнаш, қабрни ўпиш мумкин эмас. Ўликнинг яхши хислати эсланади, уни сўкиш ёки ёмон сифатлари билан эслаш жоиз эмас. Пайғамбаримиз (зотга Аллоҳининг салоти ва саломи бўлсин) бундай марҳамат қилганлар: “Ўликларингизни фақат яхши сифатлари билан ёдга олинглар” (*Имом Насоий*).

Расулуллоҳ (у зотга Аллоҳининг салоти ва саломи бўлсин) қабристонда қабрга юзланиб намоз ўқишидан қайтарганлар. Ибн Умардан (Аллоҳининг ривояти бўлсин) қилинади: “Расулуллоҳ (у зотга Аллоҳининг салоти ва саломи бўлсин) етти жойда намоз ўқишидан қайтардилар: ахлатхонада, қассобхонада, қабристонда, йўл устида, ҳаммомда, туяларнинг сув ичиш учун чўқадиган жойида ва Каъба устида” (*Ибн Можа*).

Қабристон худудида катта ёки кичик таҳорат синдирилмайди, дараҳтларга ип ёки латта боғлаш каби хурофат ишлар қилинмайди. Еб-ичилмайди. Қабр тепасига чироқ, шам ёқиши мумкин эмас.

Қабристонда бугунги ўликлар кечагина ҳаракатда ва амалда бўлганлар, ҳозир эса ҳеч нарсага қодир эмас, балки қилиб ўтган амалларидан сўралаётганлари кўнгилдан ўtkазилади. Мусулмон шулардан ибрат олиб, хато ва камчиликларини тўғрилайди, тавба қиласиди. Ўлим яқин эканини, тез орада ўзи ҳам қабраҳлидан бўлишини юракдан ҳис этиб, қалби юмшаб, қабристондан чиқади.

**Муҳаммадий ҚОРАЕВ,**  
“Хожа Бухорий” Ислом ўрта маҳсус  
билим юрти ўқитувчиси

## АЛЛОҲНИНГ ДОРИСИ

Жунайд Бағдодий ҳазратларининг кўзи оғриди. Табиб унга:

- Кўзингизга асло сув теккизманг. Бордию аксини қиласангиз, кўр бўлиб қолади,
- деди.

Ҳазрат Жунайд сўради:

- Унда қандай таҳорат оламан?

Табиб қатъий:

- Кўз керак бўлса, айтганимни қиласиз, йўқса, ўзингиз биласиз! – деди.

Уйга қайтган Жунайд Бағдодий таҳорат олиб, икки ракат намоз ўқиб, уйкуга ётди. Уйғонганида кўзларида барча оғриқлар йўқолган, ҳатто аввалгидан яхшироқ кўра бошлаган эди. Шу пайт ғойибдан овоз эшитилди: “Жунайд Биз учун кўзларидан кечди. Бизни эслаган вақтида бутун жаҳаннам аҳлини кечиришимизни сўраганида эди, барчаси кечирилган бўларди...”

Табиб хастанинг зиёратига келганида кўрди, кўзлардаги оғриқ тамоман йўқолиб, ҳатто хасталиқдан асар ҳам қолмаган. Шунда:

- Бу Ҳақнинг дориси туфайлидир. Бунга бизнинг ақлимиз ҳам, илмимиз ҳам етмайди. Аслида, Жунайднинг эмас, бизнинг кўзимиз хаста экан-у, хабарсиз эканмиз... – дея имон келтирди.

*“Гўзал ҳикоялар”  
китобидан олинди.*

Баъзи ҳадисларни ровий: “Расулуллоҳ (у зотга Аллоҳининг салоти ва саломи бўлсин) Раббилиридан ривоят қилиб, дедилар”, деб нақл қиласиди ёки Пайғамбар (у зотга Аллоҳининг салоти ва саломи бўлсин) “Аллоҳ таоло деди”, “Аллоҳ таоло деди”, деб бошлайдилар. Бундай ҳадислар “қудсий”, “раббоний” ёки “илоҳий ҳадислар” деб аталади.

## Ҳадиси қудсий



Мисол: Абу Зарр Ғифорий (Аллоҳ ундан рози бўлсин) Расулуллоҳдан (у зотга Аллоҳининг салоти ва саломи бўлсин), Расулуллоҳ (у зотга Аллоҳининг салоти ва саломи бўлсин) Раббилиридан (азза ва жалла) ривоят қиласиди: “Эй бандаларим, Мен зулмни ўзимга ҳаром қилдим ва уни сизлар ўртангизда ҳам ҳаром қилдим. Шунинг учун бир-бирингизга зулм қилмангиз” (*Ином Муслим ривояти*).

Ўқувчида “Ҳадиси қудсий ҳам, Қуръон ҳам Аллоҳ таолонинг сўзи бўлса, унда иккаласининг фарқи нима?” деган савол туғилиши мумкин. Олимлар Қуръон ва ҳадиси қудсийнинг қуидидаги учта асосий фарқини келтирадилар:

Қуръоннинг лафзи ҳам, маъноси ҳам Аллоҳдан, ҳадиси қудсийнинг маъноси Аллоҳдан, лафзи Расулуллоҳдан (у зотга Аллоҳининг салоти ва саломи бўлсин).

Қуръон тиловати билан ибодат қилинади, ҳадиси қудсийни тиловат қилиб ибодат қилинмайди.

Қуръон оятларининг ҳаммаси мутавотир тарзда келган, ҳадиси қудсий ундей эмас.

Аллома Кирмоний “Саҳихи Бухорий”га ёзган шархида қуидидаги фарқларни келтиради: “Қуръон мўъжиз (ожиз қолдирувчи) ва Жаброил (у зотга Аллоҳининг салоти ва саломи бўлсин) воситасида туширилган. Ҳадиси қудсий эса мўъжиз эмас ва воситасиз тушган”.

Бир қанча олим ҳадиси қудсийларни алоҳида китобда жамлашган. Муҳаммад Маданийнинг “Итҳофотус сания”, Ином Нававийнинг “Ал-аҳодисул қудсия”, Ибн Булбон Мақдисийнинг “Ал-мақосидус сания”, Ибн Даъбаъ Шайбонийнинг “Ал-аҳодисул қудсия”, Мунновийнинг “Ал-итҳофотус сания” китоблари ана шундай асаллар сирасига киради.